

VHURERELI HA ISABELE

 Kha ri vhe ro ima lwa tshifhinganyana, musi ri tshi nekedza Mudzimu ndivhuwo kha hezwi. Kha ri kotamise zwifhaṭuwo zwashu.

Wa tshilidzi na Khotsi Mukhethwa, ro takala nga maanda uri U—u Mudzimu, nahone thuso i re hone tshifhingani tsha khombo. Ri a U livhuwa nga zwe Wa ri itela zwone. Ri tou vha ri sa koni u zwi buka, zwi tshi bva mbiluni dzashu, nga ndila ine ra takalela izwi, na uri U da hani kha u phulusa hashu musi ri khakhathini. Ro guda, kha miñwaha yothe, u U fulufhela na u U tenda.

Huno ndi a rabela, masiari ano, Murena, uri U do shululela phaṭutshedzo Dzau kha avha vhathu. Ngavhe hu sa vhi na muthu a si na nungo vhukati hashu musi iyi tshumelo yo no guma. Arali hu tshi do vha na muñwe ngomu hafha a songo lugaho kha Mudzimu, ngavhe Maanda e a vusa Yesu tshaloni, hanyisa mivhili yavho i faho, Murena, na maya wavho, huno u vha rembulusele kha Iwe. Zwi tendele, Murena. Avho vha si na Muya Mukhethwa, ngavhe ili li tshi vha duvha lithihi lihulwane line vha sa do li hangwa na khathihi, ngauri ngavhe li tshi vha duvha line Mudzimu a shululela Muya Wawe khavho. Zwi tendele, Murena. Hangwela zwivhi zwashu.

Ri do rabela uri U fhaṭutshedze Mukomana Sullivan, khonani yashu ya tshilidzi na ya vhudi, na ngelekanyo dzawe dza vhathu, huno u lingedza u vha disa nga khonadzeo iñwe na iñwe ine a kona, u vha thusa. Ndi rabela uri U fhaṭutshedze Mukomana Sullivan.

Fhaṭutshedza vhashumeli u mona na shango, hothe-hothe. Vha nee zwinzhi two andaho, Murena. Ngavhe vha tshi ima vho khwaṭha kha phuluphithi huno vha huwelela Ipfi la Mudzimu, ngauri ri khou tshila kha awara dza u vala dza divhazwakale ya lino shango. Tendela vhudi Hau vhu ri tsira kha izwi zwifhinga. Ngauri ri zwi humbela nga Dzina la Yesu. Amen.

Ni nga dzula.

Ndi a livhuwa nga maanda vhoiñwi vhathu sa, kha Mudzimu, nga hezwi. Mukomana Sullivan o zwi isa kha ene munę. Ni a vhonu, zwi nga si vhe two luga uri Mukomana Sullivan a ite izwo, ngauralo ro vha ro lugela u i lugisela. Ri a ni livhuwa nga vhulenda hañu.

² Huno, zwino, u itela mu—munikelo wa lufuno, wo... a no ngo tea u ita hezwo. Hai, izwo two vha zwi si zwa ndeme. Ni a vhonu, fhedzi... vha badela tshinyalelo, hodela na zwiliwa, zwe ra vha ri nazwo, huno izwo zwi tou vha zwe the zwe fanelaho.

Fhedzi ndi a ni livhuwa, nga vhulenda nga maanda, huno zwi do ya u thusa mufunziruňwa na u disa vhatthu kha Mudzimu. A hu nga vhi na dziňwe sigarete dzi no rengwa ngayo, iňwe wisiki, tshiňwe tsho khakheaho, zwi do ya kha tshithu tsha vhukuma. Huno ndi a rabela uri Mudzimu u do vhea izwo kha dulu lanu ngei nthia, huno na zwi andisa nga zwigidi zwa fumi, dolara iňwe na iňwe, kana—kana peni, kana nikeler ye na i nea kha iyi tshumelo.

³ Huno, zwino, ndi toda u livhuwa Mmbi ya United States nga nthani ha uri tendela ra vha na itshi tshifhačo tsha u dzula ngomu hatsho, u vha na idzi tshumelo. Zwa vhukuma ndi a dzi livhuwa nga mbilu yanga yothe.

⁴ Huno vhunga ndi tshi pfecta, Mukomana Sullivan o amba uri tshiňwe na tshiňwe tshi do badelwa nga ndila yone. A ri ngo vhuya ra siya na dorobo na nthihi, ri tshi koloda, fhedzi zve tshiňwe na tshiňwe tsha londotwa; a ri sokou tenda kha tshiňwe na tshiňwe na tshiňwe-vho. A ni tei u koloda muňwe muthu, ni tea u vha thwii na tswititi. Huno arali ni tshi koloda muňwe muthu, iyani ni livhane navho huno ni vha vhudze uri ni a vha koloda, fhedzi itonu nea tshifhinga tshiťuku, huno ni do tshi badela. Ni a vhona? Tshifhinga tshočhe, ulwo ndi lwa khwine... Ulwo ndi luswayo lwavhuđi lwa Vhukriste: u fhulufhedzea, u luga.

⁵ Ni toda u tshila zwine na amba nga hazwo. Arali ni sa tshili inwi mune, naa ni nga lavhelela hani muňwe muthu-vho u zwi tshila, ni a vhona. Ngauralo ni luňwalo lwo ñwaliwaho, lu vhalwaho nga vhatthu vhothe, ngauralo tshifhinga tshočhe ivhani vha ngoho, fhedzi, vha ngoho. Ambani ngoho, hu si na ndavha uri zwi vhaisa hani tshiňwe tshithu. Amba ngoho, naho zwo ralo, ngauri ni nga zwi amba tshifhinga tshočhe nga ndila i fanaho tshifhinga tshiňwe na tshiňwe. Huno arali na amba mazwifhi, ni do tea u tshimbila maela dza miljioni u mona, huno naho zwo ralo ni tea u vhuya murahu kha ayo mazwifhi hafhu; huno na tou ita tshithu tshi ofhisaho. Itanu vha wa vhungoho, nahone ni nga dzulela u zwi amba nga ndila nthihi ngauri ndi ngoho.

⁶ Iyo ndi ndila kha Bivhili. Zwi ambeni nga ndila ine Bivhili ya amba ngaho, ni songo zwi leludza, zwi ambeni ngau ndila ine zwa vha ngayo, itanu... zwo ñwaliwa hemefha huno—huno ni nga sumba munwe wanu khazwo. Ndi—ndi... iyo ndi ndila ine na kunda Sathane. Sathane o ri kha Yesu, "Arali Iwe u Murwa wa Mudzimu, kha ri vhone U tshi ita madembe. Vha ri U 'mushumi wa madembe.' Shandukisa haya matombo a vhe vhurotho, huno kha ri vhone. U na ndala."

⁷ A ri, "Fhedzi zwo ñwaliwa, Muthu ha nga tshili nga vhurotho fhedzi." Ni a vhona? O dzhia Ipfi la Khotsi huno a kunda diabolo, hemefho kha vhuimo hawe. Ngauralo ni nga ita zwenezwo zwithihi, na kunda diabolo vhuimoni hawe, nga Ipfi la Murena.

⁸ Zwenezwo, ndi do dzulela u livhuwa nga maanda kha Mukomana Sullivan. Hezwi ndi... Mpfareleni heli liambele: Ndi elekanya uri musi vha tshi ita Mukomana Sullivan uri O tou laṭa phatheni. A hu na a no nga ene. Hu na munna muthihi fhedzi we nda vhuya nda ṭangana nae vhutshiloni hanga we a nkhumbudza nga ha Mukomana Sullivan, uyo o vha e E. Howard Cadle. A thi ḋivhi uri kana o vhuya a mu ḋivha kana hai, u bva kha—u bva... Mukomana Cadle o vha a tshi tou vha mutukana wavhuđi wa shango sa Mukomana Sullivan. Huno u do panga zwanda zwawe tshikwamani ngau rali u swika vhatovholi vhawe vha tshi humela murahu, huno a amba na thoho yawe yo yela matungo, huno o vha a tshi tou vha muñwe E. Howard Cadle. Huno ngauralo ndo—ndo takala u vha na Mukomana Sullivan sa khonani na murathu kha Mafhungo-madifha. Huno ndi rabela uri Mudzimu u do mu fhaṭutshedza na tshiyhidzo tshawe tshiṭuku ngeno n̄tha, mufumakadzi wawe wa vhut̄hogwa, vhafunwa vhawe.

⁹ Huno kha vhoiñwi, vhañwe vhashumeli vha re fhano, kha inwi na tshiyhidzo tshañu, vhareri vha Mafhungo-madifha o Dalaho, kha zwithu zwiṭuku zwa Luñwalo zwi nga di si tendelane nga thashu. Ndi hanedzana na mufumakadzi wanga kha zwiñwe zwithu. Huno ni a ḋivha uri izwo zwi kha mini? U funa phai ya apula huno ndi takalela tsheri, ngauralo a ri tendelani nazwo. Huno ndi a ni vhudza zwine nda ita nga yanga: ndi takalela tshipida tshavhuđi tsha phai ya tsheri (ndi nga zwi imela zwino) huno a dodza bođoro nga n̄tha, nahone a dodza mutoli nga n̄tha ha izwo; na, mukomana, ni vha na tshiñwe tshithu tshi no tea! Mufumakadzi wanga u ya zwi ofha. Ndi humbula uri u ofha khalorisi. A nga di zwi takalela, fhedzi ni a ḋivha uri vhafumakadzi vha hani, vha o fha... Zwi sekene lune ni nga zwi tokā nga nelete na tumula kha rambo, huno naho zwe ralo vha ṭoda u—vha ṭoda u fhungudza. Iyo ndi mvelo yavho, ndi a humbulela, ngauralo hu na... Huno, fhedzi ndi a zwi takalela hezwo. Zwino, ri hanedzana kha izwo, zwiñwe zwithu ro luga. Fhedzi, ni a vhona, a ri tendelani tshothe. Ngauralo ri do vhona tshithu tshithihi, vhakomana, fhedzi tshithu tshihulwane, ri khou la phai, ndi tshone tshithu tsha ndeme.

¹⁰ Nga maanda, kha ndovhedzo ya Muya Mukhethwa, na u da ha Kristo, huno muevangeli muhulu, pfunzo ya ndeme ya Bivhili, ri ima ro livhanya zwanda na izwo. Sa vharathu vhahulwane vho faranaho, hu si na mukano wa dinomineisheni, hu si na tshi ri thivhelaho, ri matshela ngei Khalivari sa mmbi nthihi khulwane, rothe.

¹¹ Arali nda nga vhuya nda vha wa thuso iñwe na iñwe kha inwi, ndi do takala u zwi ita. Huno ndi na ngoho ya uri ni do amba zwenezwo zwithihi kha nne. Huno ni nga vha thuso kha nne. Huno itsho ndi tshithu tshithihi tshine ni nga ita, tshine nda ḋivha, ndi u nthabelela, uri Mudzimu na khathihi a songo

ntendela u khakha. Ndi—ndi—ndi . . . A zwi ho mbiluni yanga u khakha, ndi—ndi khou ḥoda u luga, ndi khou ḥoda u ita two lugaho. Ngauri ndi a limuwa, vhunga Mukomana Jack Moore o mmbudza nga tshiñwe tshifhinga, a ri, “Mukomana Branham, ndi nga si ime kha mabutsu aṇu u itela tshenzhemo tshanu tshoṭhe, nga Duvha la Khathulo, ngauri Mudzimu u khou ya u ḥoda phindulo khulu kha inwi,” ha pfi, “ngauri O ni nea vhatu vha dzimilioni zwandani zwanu.”

¹² Zwino, arali ndi tshi ḫivha uri ndi khou yo ima heneffo huno nda fhindulela avho vhatu, zwenezwo ndi tea u rera Mafhungo-madifha a lushaka-de? Ndi vhungoho-de, musi ndo fara thengo ya Malofha Awe zwandani zwanga? Huno musi A tshi nn̄ea tshifhwa tsha . . . hu si na u timatima, muthu muñwe na muñwe a elekanyaho zwa ḥhalukanyo o vha a tshi do zwi ḫivha uri u tea u bva ha Mudzimu. Huno nga izwo, arali nda bvisa muñwe muthu ndilani i si yone ngauri tshiñwe tshigwada tsho amba hezwo, Mudzimu u do ita uri ndi zwi badele nga Duvha la Khaṭhulo.

¹³ Fhedzi musi ndi tshi vhona bono, hafha zwi si zwa kale, huno nda pfa avho vhatu vha tshi zhamba . . . Naa no wana bugu yanu thukhu madekwe? Lone—lone *Ipfi* la Vhanna vha Vhubindudzi. Izwo ndi zwavhudi. Huno kha bono . . . Tshiñwe tshifhinga ri do vha nazwo two gandiswa nga vhudalo; a si zwone zweño. Fhedzi kha hezwo, nahone ri tshi vhona izwo, ndo tou ima afho sa—sa zwe nda imisa zwone zwino. Huno ndo vha ndi tshi khou disedza ndo edela heneffo mmbeteni, ndo sedza mufumakadzi wanga, huno naho two ralo ndo ima hafha ndo disea. Huno hafha ho vha hu na avho vhatu vho imaho u mona hoṭhe nga u ralo musi ndi tshi ri, “Naa Paulo u do tea u haṭulwa nga Mafhungo-madifha e a rera?”

¹⁴ Ha pfi, “Ee.”

¹⁵ Nda ri, “Ndo rera *Ipfi* liñwe na liñwe kokotolo nga ndila ye a ita.”

¹⁶ Huno vha dzimilioni vha zhamba, “Ri khou ditika nga Hezwo!”

¹⁷ Iyo ndi ndila ine nda ḥoda zwi tshi vha ngayo musi ndi tshi budekanya heneffo, ni a vhona. Ndi khou ḥoda zwi tshi vha nga iyo ndila, sa zwenezwo, zwo Paulo a amba fhedzi. A ri ḥodi u ḥadzisa tshithu Khaṭo, u bvisa tshiñwe tshithu Khaṭo. Žwe Bivhili ya amba fhedzi, iyo i tou vha ndila ine nda ḥoda u zwi vhulunga zwi tshi tshimbila, ni a vhona. Huno a hu na zwiñwe, ni zwi vhulunga nga u ralo, dzidinomineisheni thungo iñwe na iñwe dzi khou yo vusa tshithivheli Khaṭo.

¹⁸ Huno zwenezwo, zwifhinga zwinzhi, vharathu vha elekanya uri ndi lwa na vhakomana vhanga. Mudzimu u divha two fhambanaho kha izwo, tenda fhedzi A tshi divha zwi re ngoho. Ni a vhona? A zwi lwi na vhakomana, ndi sisteme i no khou ri ita uri ri sa vhe vhakomana. A si *Ipfi* la Mudzimu li no khou ri

thivhela u vha vhakomana, ndi sisteme ine ra vha murado wayo i no ri thivhela u vha vhakomana. Izwo ndi zwone. Ngauralo, naa ri fanela u ima ngafhi? Imani kha Ipfi, huno Mudzimu u do kokodzela vhatu vhothe Khalo (izwo ndi zwone) kha—kha hezwo. Ni songo vhuya na i dzudzanya, na i ita denomineisheni, itanu i vheya kha Mudzimu, itanu bvela phanda na u tshimbila; no sedza vhufhelo, na khwathisa, Mudzimu u do disa zwe salaho.

¹⁹ Ho vha na zwithu zwinzhi zwe na nnyitela, zwine nda zwi livhuwa. Zwino arali ndi tshi nga ni thusa, u ni nea tshiambaro tsha thabelo kana tshinwe tshithu. Zwino, ni songo mmbudzisa pfunzo, ngauri a—a thi tami u ita hezwo. Ngauralo vhatu vhanzhi vha a nwalela dzimbudziso nga ha mbingano na thalano na zwinwe-vho, zwine zwa vha thaidzo tshivhidzoni. Tshifhinga tshothe ndi a vha vhudza murahu, huno nda ri, “Vhudzisani mufunzi wañu.”

²⁰ Vhatu vho nwalela manwalo hafha huno vha ri, “Minihha nga izwi? Na mini-ha nga izwo?” Ndi amba nga ha luñwalo murahu, ni do lu wana. Vhonani mufunzi wañu kha zwithu zwiñku ngauri, itali, ndi mulisa wañu. Ndi—ndi ene—ndi ene we Mudzimu a mu ruma uri a ni sedze. Huno ri nga vha ri sa tendelani khazwo, huno zwenezwo izwo zwi vhanga ndado tshivhidzoni tshanu. A ri ñodi hezwo. Hai! Hai! Ri tou ñoda ni tshi litsha u ita zwithu zwi re zwivhi, zwithu zwi re nnnda ha Bivhili, huno na dzulela u ya phanda thungo ya Mudzimu. Ni a vhona? Huno arali ni tshi vhanga u aluwa huñuku na zwithu zwi no nga zwenezwo, izwo zwi dina tshivhidzoo. Ngauralo, ndi nga ñamba mufunzi wañu a ni vhudza nga ha mbingano na thalano, na izwi zwithu na izwo zwithu, mu litsheni a zwi ite. Ndi mulanda wa Mudzimu na ene-vho, huno o shomedzwa u ita hezwo.

²¹ Elelwani Musamaria wavhuði we a wana munna o vhaisala? A mu disa hodelani (itsho ndi tshivhidzoo) vha nea uyo munna peni mbili, nahone a mu vhudza uri arali a tshi ñoda inwe u do mu nea musi a tshi vhuya. Ngauralo, u na vhulwadze vhuvhili, u a kona u ni alafha arali e munna wa Mudzimu. Arali e munna wa Mudzimu a no ima kha Ipfi la Mudzimu, u—u na tshe Mudzimu a mu nea: Muya na Ipfi. Naa izwo ndi zwone? Naa ri khou yo luvha han? Muyani na nga Ngoho. Huno Ipfi ndi Ngoho. Naa izwo ndi zwone?

²² Zwino, ndi a ni livhuwa nga vhulenda nga maanda, hafhu. Huno zwino, ndo netesa, nahone u neta nga maanda ano masiari, a thi ñodi u dzula kha inwe hodela tenda ndi khou tshila. Tshimima tshihulu tsha u kambiwa, huno vhusiku hothe, a tshi rwa mahothi na u zhamba, na vhasadzi... Oo! Ndo tou dzula, vhusiku hothe. Ndi zwenezwo fhedzi. Huno ngauralo a—a tho ngo vhuya nda diimisela u vha na inwe hodela. Ndi do ya motheleni. Ndi khou yo diwanela ñhiraka uri ndi kone u edela ngomu hayo, nnnda mavuni huñwe fhethu. Ndi khou ya u zwi wana, nda diwanela dennde na bege ya u edela, kana huñwe

fhethu hune ndi nga kona u swika kha nñe muñe, huñwe fhethu. Izwo ndi zwone.

²³ Ndi tshivhi nga maanda, ulu lushaka, a zwi mangadzi! Mazhana, lwo sina u swika kha mudzi. N̄tha hafha huñwe fhethu, kha muvhuso wañu... Hu si heli shango fhedzi, hothe-hothe. Henefha n̄tha, miñwaha i si gathi yo fhiraho, ndo vha ndi kha-kha mutangano wa vhurereli ngeno n̄tha shangoni, mudi muhulu. Huno uvho vhusiku tshigwada tsha vhurereli, tshivhidzo tsha vhubvo tshi na thangana ya murole, tsho vha tshi na khuvhangano. A—a thi... ndo vha ndi Afurika fhasi ha voodo na zwiñwe, a thi athu pfa zwi no nga izwo. Huno nga matsheloni a tevhelaho, (ndi nga si ni vhudze kokotolo, ri vhathetshesi vho vanganaho)... ro edela fhasi, zwithu zwa vhuada zwe zwa itwa, mabodelo a wisiki hothe-hothe. Huno avho vhana vhaswa, vhatukana na vhasidzana lufherani luthili vhusiku hothe, vhothe. Huno nga matsheloni a tevhelaho, "khotsi mukhethwa" vho dzula ngei nn̄da, huno vhone vha da n̄tha vha tshi khou mu gwadamela nga u ralo. Fhasi ha Dzina la Yesu Kristo!

²⁴ Naa ndo tangana thoho? Naa—naa thaidzo ndi mini nga nne? A thi tou kona u kondelela izwo zwithu! Zwi... tshiñwe tshithu tshi a ndzinginyisa nda bva zwipiða musi ndi tshi vhona izwo. Naa izwo ndi u imela Murena wanga Yesu? Tshimima tsho kambiwaho, tsha vhuada na zwithu zwa vhuada zwe... vha shumisa kha avho vhanna vhaswa na vhasadzi, zwo poswa fhasi nahone kha bakete la mashika, a na mabodelo na... Yawee, nñe nñe, nandi-na! Naa ni nga vhidza uvho Vhukriste? A zwi mangadzi shango li kha nyimele ya tshivhi. Zwo luga, naa muitazwivhi u ri mini musi a tshi sedza izwo? Vha zwigidi vhavho.

²⁵ Avho vhasidzana vhatuku vho kambiwa nga maanda lwe vha kundelwa na u ima, huno lufherani vhusiku hothe vhe na avho vhatukana, na nyambo i si yavhuði ya tshika nga maandesa ye na vhuya na i pfa vhatshiloni hanu. Ndi vhea phuphu kha thoho yanga ngaurali, u lingedza u edela. Nn̄da kha dzimbande, vho kambiwa, huno vha tshi gidima n̄tha na fhasi fuloro nga u ralo, vhe vha vhurereli!

²⁶ Zwino, ndi nga lavhelela avha vhatu vhavhi vhunga, zwino, vhane vha ñivhidza zwipotso, nn̄da hafha kha mutambo wa u baula. Muñwe wa vhana vhanga o vha a tshi do thoma kha u yela kha luvhande lwa u baula, huno ndo vha ndi tshi do mu pandamedza nn̄da ha shango. Úh-huh. Ni vhidza izwo mutambo, a si mutambo. Ndi mini izwi... Arali ni tshi ñoda u luga, lugani na Mudzimu. Ngoho.

²⁷ Ndi ñoda u ni vhalela, maipfi fhedzi a bvaho kha Bivhili. Ni wana aya maipfi a si gathi ane nda ñoda u vhala hafha u

itela linwalwa, li no wanala kha ndima ya vhu¹⁷ ya Khosi dza u Thoma, ndimana ya 1.

... *Vhunga MURENA Mudzimu wa Isiraele a tshi tshila, ane nda ima phanda hawe, a hu nga vhi na nwando kana mvula kha iyi minwaha, . . . u ya nga ipfi langa.*

Khosi dza u Thoma, ya vhu¹ ndi- . . . ndima ya vhu¹⁷, ndimana ya 1.

²⁸ Arali ndi tshi nga ni rumela tshiambaro tsha thabelo, tshifhinga tshiñwe na tshiñwe, itanu ñwalela; muñwaleli wanga fhano, a re hone zwino, Mukomana Maguire. Ndi vhangana vho no vhuyaho vha wana tshiambaro tsha thabelo kha riñe? Kha ri vhone tshanda tshañu. Takuwani, Mukomana Jim. Ndi ḥodou vhona kha . . . inwi, na mufumakadzi wañu na inwi-vho. Muñwaleli wanga ngoyu na mufumakadzi wawe, avho vha no shuma, vhe vha ruma . . . Uyo ndi mutukana na musidzana vha no ni rumela labi lañu la thabelo dzi bvaho muñtanganoni, vhuvhili havho Vhakriste vho dikumedzaho. Huno ipfi, ilo ipfi liñuku lavhuñi line na li pfa kha luñingo musi ni tshi mmbidza, uyo ndi mufumakadzi muñtuku o dzulaho benefho, mufumakadzi wawe. Khotsi na mme awe, na vhone, vha fhano na riñe ñamusi; na—na vhafunwa, u mona hothe. Ngauralo . . . Huno zwenezwo ni divha muñwaleli wanga wa tsimuni, Vho. Mercier, Mukomana Leo Mercier, vha hone fhano huñwe fhethu, na Mukomana Gene Goad. Huno ngauralo arali ri tshi nga ni rumela labi la thabelo, tshifhinga tshiñwe na tshiñwe, tshiñwe na tshiñwe tshine ra kona u ita, ndi a ni rabelela kha luñingo; tshiñwe na tshiñwe tshine ri nga ita, ri ḥo tshi ita.

²⁹ Uyu munna a vthonalaho sa a songo doweleaho na zwithu tshandani tshawe, u tshimbila nga vhulenda, maño awe a penya nga Vhugala ha Mudzimu, ndebvu dzawe dzi tshi vhudzuleyela nga matungo awe, na tshipida tsha mavhudzi tsha kale tsha mukumba wa nngu tsho pombiwa u mona nae, o vha a tshi khou ita ligi lawe nga u ñavhanya musi a tshi tshimbila ndilani ya u ya Samaria. O vha a sa vthonali e ane a nga sedzeswa, fhedzi o vha e na A RALO MA AMBA MURENA ya ulwo lushaka luhulwane lwa Isiraele. Iina, Eliya wa Tisibe, muporofita wa Murena. O vha a sa tou sedzea nga maanda, fhedzi o vha e na Ipfi la Murena.

³⁰ O vha a sa ofhi u ima phanda ha khosi, ngauri o vha e kha Vhuhone ha muhulwane u fhira khosi, o vha e Vhuhoneni ha Yehova. Ngauralo-ha, o divha he a vha o ima hone. Huno musi a tshi tshimbila phanda ha khosi ho ngo vha na makakamela na u kakamela, o divha zwe a vha a tshi khou amba nga hazwo. A nga mba na khosi a ri, "A RALO MA AMBA MURENA MUDZIMU WA ISIRAELE, 'A hu nga vhi na mvula kana ñwando u swika ndi tshi u vhidza.'" Ndi ngani o amba izwo, "U swika ndi tshi zwi vhidza. U ya nga ipfi langa"? Ngauri o vha e na Ipfi la Murena, o vha e muporofita, huno muporofita u na Ipfi la Murena.

³¹ Ndi tshithu tshi kwamaho u vhona mbampedzo vhukati ha Isiraele ya Testamente Ndala na Amerika zwino. Dzothé dzo vha dzi dzitshaka khulwane. Othe o tumbulwa, huno vhatu vhavho vho da henefho, nga nwambo wa mitovholo ya vhurereli.

³² Isiraele yo no di tovholwa nga Farao nahone yo vha kha vhupuli lwa miñwaha ya mađana, he vha bviswa kha u luvha Mudzimu wa ngoho nahone a tshilaho, huno vho dzhielwa heyo pfanelo; huno vha vha dziphuli. Fhedzi Mudzimu o vha itela pfulufhedziso kha Bivhili Ýawe, kana kha Ipfi Lawe, na nga vhaporofita Vhawe, uri U do vha fha shango. Huno vha do da kha heli shango nahone vha vhilimedza vhatubu vha shango, nahone vha thuba ndaka yavho, ngauri Mudzimu o vha e na ndivho ya u ita hezwo.

³³ Huno ngauralo ulu lushaka luhulwane lwa lwashu. Ri da hafha, na nga Plymouth Rock ulu lushaka lwo tumbulwa kha mbofholowo ya vhurereli ngauri vhokhotsi avho vho shavha u tovholwa nga Roma kha sisiteme ya Isabele ya tshizwino, huno vho no da n̄tha huno vha ima mitovholo minzhi na u vhulawa fhasi ha iyo sisteme ya khole-khole ya Isabele. Huno u ya nga Bivhili, ya Nzumbululo, ndima ya vhu13, Mudzimu o vha fulufhedzisa yone tshisima, huno fhethu, ngauri musadzi o hwalelwa sogani he a kanzwiwa lwa tshifhinga, na tshifhinga, na u khethekanywa ha tshifhinga. Mudzimu o ita pfulufhedziso kha Amerika, kana kha tshivhidzo (kha musadzi), u da kha lino shango.

³⁴ Naa no dzhieila nzhele Nzumbululo ya 13? Mañwe mavhanda othe o bva lwanzheni, mađi; Nzumbululo 17:17, yo ri, “Mađi e wa a vhona ndi vhudenya na vhatu vhanzhi.” Zwiñwe zwivhumbwa zweþhe, zwi bva mađini, vhudenya na vhatu vhanzhi. Fhedzi musi la United States li tshi da, “Lo bva kha lifhasi he ha vha hu si na vhatu.” Huno elelwani, musi zwi tshi da n̄tha, zweþhona sa ngwana þukhu.

³⁵ Zwino, ngwana i na n̄anga mbili, huno ayo ndi maanda a lushaka lwa vhatu na vhurereli. Fhedzi musi vho no þangana, elelwani, zwenezwo iyo ngwana yo amba vhunga ligwena le la ralo phanda hayo; huno ligwena lo vha li Roma.

³⁶ Musi ligwena lo ima phanda ha musadzi uri li le nwana wawe nga u þavhanya musi a tshi bebiwa, livhanda litswuku... Le la ima phanda ha musadzi Isiraele, uri a le Ñwana nga u þavhanya musi A tshi tou bebwia, huno la rumela mutovholo nahone a vhulaha vhana vhoþe u bva kha miñwaha mivhili u tsa fhasi? “Roma, ligwena, lo ima kha musadzi uri li le nwana wawe nga u þavhanya musi a tshi tou bebiwa.”

³⁷ Huno zwenezwo, ri wana uri ili shango lo da sa shango lo vhofholwolwaho, huno o vha... e na ngwana, i no amba Ngwana ya Mudzimu. Fhedzi, nga murahu ha tshifhinganya, sisteme

yeneyi nthihi ine ra vha nayo, yo amba sa ligwela nahone a sumbedza maanda othe e livhanda la vha li nao phanda halo.

³⁸ Vha a vhambedza, muñwe kha muñwe, lwo fhelelaho. Huno ni elelwe musi hezwi... Isiraele ya da ya dzhia haya hayo na Palestina, a pandela vhadzuli vhothe vha ilo shango huno a dzhia shango. Ro dzhena khazwo nahone ra zwi dzhiya kha Vhaindia, ra vha whilimedza ra dzhia shango. Mudzimu u na tshivhangi tsha izwo. Mudzimu o vha a tshi khou yo sumbedza shango zwe A kona u ita nga be—bennde thukhu ya vhathe vhe vha ḥoda mbofholowo, na mbofholowo ya vhurereli, u shumela Mudzimu.

³⁹ Naa vho itani kha Isiraele? O ita Isiraele lushaka lwa mandesa shangoni, huno a dzula nga iyo ndila u swika a tshi bva kha lufuno lwa Mudzimu. O ita mini nga Amerika? O mu ita lushaka lwa maandesa shangoni u swika a tshi bva kha lufuno lwa Mudzimu. Kha mbamagedzo, muñwe kha muñwe, kokotolo.

⁴⁰ Musi Isiraele i tshi da shangoni, vho vha vhe—vhe vhathe vhahulwane ngauri vho vha vhe na vhurangaphanda vhuhulwane. Vho vha vhe na vhathe vha ofhaho Mudzimu khavho, u fana na Dafita, Khosi Salomo. Shango lothe lo vha ofha, nahone vho diphina nga u tondwa hau sa vha na nndwa, hu si na khakhathi, huno vha tshi khou tshila fhasi ha maanda a Mudzimu, u swika vhathe vha bvaho kha shango lothe li divheaho vha tshi da u vha vthona. Mudzimu o vha nea tshifhiwa tsha vhuṭalukanyi, tsho vha tshi kha Salomo. Huno khosikadzi ya Tshipembe, u bva... khosikadzi ya Sheba ya da i tshi bva thungo ya Soga la Sahara (vha fhedza miñwedzi miraru) u tou pfa vhuṭali ha Salomo. Huno musi o vthona uri Salomo o kona u ṭalukanya mimuya, nahone a ḥivhadzwa khae zwiphiri mbiluni yawe, a ri, “Zwothe zwe nda pfa nga ha iwe two vha zwi zwone, na zwintshi nga nnnda.” O vha o kholwa uri uyo o vha e Mudzimu.

⁴¹ Huno Amerika, kha theo ya vhokhotsi ashu vhe vha da fhano u itela mbofholowo ya vhurereli... Ro vha na vhathe vha ofhaho Mudzimu maduvhani ayo, sa vharangaphanda: George Washington, Abraham Lincoln, vhathe vha mvumbo i divheaho, vhathe vha Mudzimu. Amerika lo vha li Amerika, nga ayo maduvha.

⁴² George Washington, hafha Valley Forge, phanda ha musi a tshi wela Drett, u rabela vhusiku hothe, u swika a tshi ḥukala thwii kha khundu dzawe, a tshi gwadama mahadani. Huno nga matsheloni a tevhelaho musi Vhaamerika vha tshi thoma u budekanya, ho vha hu tshi tou vha na vha phesente dza fumbili vha ambaraho zwienda, vha Mbbi ya Amerika. Fhedzi vho vha vhe na mulayo, vho vha vhe na tshihwe tshithu tshe vha ḥo tea u lwela tshone. A vho ngo londa uri hu bvelelani kana u ṭuwa. Vhorabulasi vha dzhena, vha imisa dzembe lawe huno vha bvisa phulu yawe, huno a wana tshigidi tshawe huno a ya u lwela zwe

a divha uri zwe vha zwi mboholowo. Huno duvha li tevhelaho, ndi a tenda ho vha hu, mabuli maŋa kana maŋanu a gulu, gulu dza tshigidi tshihulu, a fhira nga kha badzhi yawe na muňadzi huno na khathihi zwa sa mu kwame.

⁴³ Vhanna vha Mudzimu, vho tumbulaho ulu lushaka, vhanna vhahulwane! A zwi mangadzi vho ñwala:

Tenda shango lashu li tshi penya
Nga tshedza tshikhethwa tsha mboholowo,
Ri tsireledze nga nungo Dzau,
Mudzimu muhulwane, Khosi yashu!

⁴⁴ Tshiňwe tshifhinga tsho fhiraho, ndo amba na mukalaha phasi ngei Corydon, Indiana. O mmbudza nga ha musi tshifhaþo tsha mulayo tsho vha tshi ngei Corydon, na uri o...ha pfi nga ndila ye a tshimbila nga gariki ya phulu u pfa mu—muvhusi a tshi amba. Huno ene na mulangi ndi vhone vhe vhothe vhe vha vha vhe na zwipiða zwivhili, suthu, vho ambara. A ri o fuwa nngu na u dzi vheula, nahone a tanzwa ulu yadzo, khaladzi dzawe dza i runga nahone vha mu itela dzhasi ja u ambara na vhurukhu. Huno mukalaha o dzula heneffho, zwenezwo wa miňwaha i no þodou swika ya fumaloþhanu kana fuþahe nga vhukale, a kokodza ndebvu dzawe sa *hezwi*, huno a ri, “Billy, ndi musi Amerikee yo vha Amerikee.”

⁴⁵ Nda sedza muthu wa kale, huno nda elekanya, “Mutukana, inwi, vhunzhi ha avha vhaswa a vha nga zwi tendi, fhedzi ni khou amba ngoho.”

⁴⁶ Ho itea mini kha Isiraele murahu ha heyi mvulatswinga yoþe ya vhumudzimu? Vha thoma u sa londa. Vha thoma u swika fhethu he vha, zwe ralo, a vho ngo londa zwe zwa bvelela. Vha thoma u bvafha kha u luvha havho kha Mudzimu, naho vho fara tshivhumbeo tsha vhurereli u tou fana na rine ro ralo. Vho vha vhe na tshifanyiso tsha u nga vha ofha Mudzimu. Fhedzi vha thoma u vhofholowa na vhathe vhavho, huno—huno vha thoma u dzenisa zwe maþudzi o fhambanaho hafha tshivhidzoni tshavho. U losha ha Biliamu ha thoma u dzhena ngomu, huno Isiraele ya thoma u takalela tshipengo, nga u kangwa, na zwithu zwi no nga zwenezwo, huno mafhedziselonii zwa disa murangaphanda we a sa divhe Mudzimu; Ahaba, we a tevhela khotsi awe. Huno khotsi awe vho vha vhe munna a sa ofhi mudzimu, o pfumaho, fhedzi e munna a sa ofhi Mudzimu. Huno o ita zwivhi zweþhe, u fhira zwe muňwe muthu phanda hawé a vhuya a zwi ita. Fhedzi Isiraele, kha tshiimo tshavho tsha u kambiwa, vha dzenisa munna nga u ralo, huno vha mu vhea kha khuluñoni uri a vhe muvhusi khavho. Vho elekanya uri zwe luga, u tou fana na vhunzhi ha Vhaamerika vha tshi ita namusi, “Ndi rapolitiki wavhudzi, ngauralo zwi ita phambano-de? A zwi nga iti inwe phambano-vho, ngauri ndi rapolotiki wavhudzi.”

⁴⁷ Vhunzhi ha Vhaamerika, vhanzhisa vhavho, vho rengisa vhutanzhe havho, sa Muamerika, huno na ri, “Naa zwi ita phambano-de, samusi ni tshi wana dolara dzi si gathi dzo engedzeaho dzi bvaho muvhusoni huno na tshila?” Vho rengisa u ya thumbuni, na nyemulo na madzangalelo a shango livhi, huno vha hangwa tshenetsho tshithu tshe vha kavhela tshone kha Plymouth Rock. Vho hangwa vhubvo hashu, huna vha bvelaphanda na u rengisa dakalo la tshipengo kha tshigwada. Sa zwe zwa vha zwi zwone mađuvhani a Israele, zwo ralo na, Amerika lo dzhia ndila yeneyo nthihi, heneffo fhasi kha ndila yeneyo nthihi, ya midifho!

⁴⁸ Nga murahu ha tshifhinganyana, muvhuso wo themendela tshivhi: “Tenda fhedzi na vha ni na sinagogo, naa zwo ita phambano-de?” Izwo ndi zwone kokotolo zwe Amerika ya ita. Huno ra thoma u didzudzanya na u ita zwigwada zwițuku, na vhuvhi, na vhuvhi, na vhuvhi. Ro vha ri tshi do dzula na milayo ya vhukuma ye ra i kuvhanganelo! Tshivhi tshi thoma u kokovha zwivhidzoni sa zwe tsha ita murahu ngei. Vhasadzi vha thoma u tunya mavhudzi avho, vho ambara zwiambaro zwa vhuada, vha tshi zwi țunya ńwaha muňwe na muňwe huno... Huno vhabba vha thoma u ita *hezwi*, *hezwo*, na *zwińwe*, nahone vha tshi khou tamba magaraća na u ita mitambo ya vhufhura tshivhidzoni, huno musi vhe vha shango vho ralo, u takala lwa tshipengo, zwidakwa zwo kalulaho.

⁴⁹ Vhashumeli vha tshi pfufhiwa kha dziseminari, huno mubishopo a tshi ri, “Rerani, vhatukana, tshińwe na tshińwe tshire na tama. U ya nga hune nda divha, malofha a Yesu Kristo o oma miňwaha ya mađana a fumićahe yo fhiraho.” U swika tshivhidzo tshi si tsha vha tshithu nga nnđa ha dzangano, vhunga tshifhaćo tsho hiriswaho. Ngavhe na khathihi ni sa hangwi masiari ano! Vha nga nnđu ya vhuawelo, shango li thoma u dzhena ngomu, vhashumeli vha thoma u leludza vhunga vho ita mađuvhani a Ahaba. Vhuvhi, zwo sina u zwika kule, na u ya na u ya zwi tshi konđa uya nga he zwa ralo.

⁵⁰ Naho Mudzimu o vha rumela muporofita nga murahu ha muporofita, huno nga khathutshelo dzitete A luvheledza vhatu, huno vha Li furalela. Vho ḥoda ndila yavho, vho vha vhe Vhaisiraele, vho vha vho vhofhololwa, vho vha vhe lushaka luhlwane, vhokhotsi avho vho ita tshikenerene (Dafita na Salomo), vho kona u ita zwe vha ḥoda. Zwi tou vha zwenezwo zwithihi zwe ra ćitika ngazwo, kokotolo; zwe Washington, vhomakhulukuku vhashu, na zwe vha zwi imela. Fhedzi, mukomana, ri maela dza milioni u bva kha izwo zwithu, zwivhidzo zwashu ndi, maela dza milioni.

⁵¹ Tsha kale... Tshivhidzo tsha Methodisi ńnamusi, kha zwe tshivhidzo tsha Methodisi tsha vha tshi zwone! Zwine Pentekostala ya vha zwone ńnamusi, na zwe ya vha i zwone! Zwine Baphuthisi ya vha zwone ńnamusi, kha zwe ya vha i tshi

anzela u vha zwone! Ro vha ri na tshifhinga tsha u humela murahu huno ra amba nga ha John Smith na vhunzhi ha avho vhashandululi vho whilulaho. John Smith a ri, phanđa ha musi a tshi fa, a ri, "Tshithu tshi ofhisaho ndi tsha uri vhasadzi vha Methodisi vha khou thoma u ambara dzirinngi dza musuku miñweni yavho." Methodisi! O vha a tshi do ri mini ñamusi u vha vhona vho ɻunya mavhudzi, na pennde hoñhe kha tshifhauwo tshavho, vha tshi ambara zwipfufhi? Ndi nga nt̄hani ha tshivhi!

⁵² Naa Mudzimu o itani ngei Amerika? O ruma mvuseledzo nga murahu ha mvuseledzo, mvuseledzo nga murahu ha mvuseledzo. Vhashumeli vho rera Ipfi, vha lingeda u vhidzela vhatu murahu kha Mudzimu. Huno vho ita mini? Zwithu zwithihi zwe Isiraele ya ita, vho I landula! Vha tambo ngavho! Vha vha vhidza "vhavhumbuluwi vhakhethwa"! Vha vha kudza dzhele!

⁵³ Arali muñwe wa khaladzi dzanga na muñwe wa vhakomana vhanga, kha itsi tshivhidzo ñamusi, vha do ima hodelani vhusiku ho fhiraho huno vha imisa zwanda zwavho nahone vha renda Mudzimu na u ɻavha mukosi lufherani ulwo, vha do vha vhe dzhele ñamusi nga hazwo. Fhedzi tshigwada tsho kambiwaho, tsho tsilufhalaho tsha "vhavhumbuluwi vha songo khetheaho" vha nga ima heneffo nt̄ha huno vha zhamba vhusiku hoñhe; huno vha kambiwa, nahone vha semana na u bvula zwiambaro zwavho kha vhasadzi vhavho na u bvela phanđa, huno vha wela fhasi nahone vha zhamba vhusiku hoñhe, huno nahon vha sa koni u amba ipfi nga hazwo. A zwi mangadzi ro swiphalelwa fhasi ha tshanda tsha Mudzimu!

⁵⁴ Dzhielani nzhele, u ya na u ya, Mudzimu o ruma vhashumeli, a ita zwiga na zwimangadzo, a tshi khou lingulula Ipfi Lawe. Huno vhunzhi ha izwo zwithu, vhafunzi vha musalauno vhanzhi vho I furalela nahone vha tambo nga mvuseledzo inwe na inwe. Tshi no sokou vhidzwa Tshivhidzo tsha Kristo nga u ralo na vhone, "Mađuvha a mađembe o fhira." Vha tshi khou lingeda zwa khwinesa u zwi vala kha ayo masalela mañku a Mudzimu. Vhunga zwo ralo kha la Isiraele, zwo ralo na ñamusi. Zwifhinga zwinzhi, Mudzimu u tea u bvisa vhatu Vhawé kha madzangano na dzidinomineisheni, vha bvise sogani vhe vhoñhe, uri vha ambe navho. Huno U khou ya u vha na masalela, ni so ngo whilahela nga izwo. O zwi ita murahu ngei, U do ralo zwino. Vha isa phanđa na u ita vhuvhi, vha ela na zwithu. Ndi ngani? Vhurangaphanđa havho, a hu na tshithu tsha vhu imisa.

⁵⁵ Zwo luga, nga u fulufhedzea, ndi ñivha tshaka nnzhi uri arali vha tshi do fara vhatu tshiñarañani vho ambara vhunga ri tshi ita fhano Amerika, vha do vha valela dzhele. Musi ndi tshi ya kha Angelo Mukhethwa, ngei Roma (zwino, elekanyani ngazwo, sa izwo), vho vha vhe na tshiga ngei nt̄ha, nga tshalo tsha Angelo Mukhethwa, "Kha vhasadzi vha Amerika: 'Ndi humbela uri ni ambare zwiambaro nahone ni hulise vhafu.'"

⁵⁶ Arali hu na tshiñwe tshithu tshine tsha ni ita uri ni lwale, ndi u vhona tshigwada tsha vha no sokou vhidzwa Vhaamerika tshi tshi dzhena. Ndo vha ndo dzula fhasi, ngei Lausanne, ro vha ri tshi khou diphina nga iñwe ñama, liñwe duvha, Mukomana Arganbright na nne. Duvha li tevhelaho, ra humela murahu ngauri zwe vha zwe diphina. Ndo vha ndi tshi kona u wana madi heneffo, vho vha vha si nga rengisi tshithu nga nnnda ha veine. Huno ndo vha ndi tshi wana madi, nda tea u hwala dzhege ya madi fhasi ha tshanda tshanga, tshifhinga tshothe, ngauri vho vha vha si nga ni ffi madi tafulani. Zwenezwo nda dzhena ngomu heneffo, huno tshiñwe na tshiñwe tsho vha tshi tshavhudzi u swika “Mufumakadzana Amerika” a tshi dzhena e na mmbwa thukhu, ya tshika, i re na zwithomathoma zwa nga nthia; vhe vhengele la masenthe a fumi *nga u ralo*, na sigarete nnnda *nga u ralo*, dzula fhasi heneffo a tshi vhea tshiñwe tshithu tshine ha ngo; ni a vhona i la mmbwa ya zwithoma-thoma kha tafula, tshika, tshithu tsho tswukaho.

⁵⁷ Ndi . . . mmbwa ndi tshithu tsho vhifhesaho tshine Mudzimu a amba nga hatsho. Na tshafumi khavho tshi nga si badelwe nduni ya Mudzimu. “Zwi fana na phombwe, tshafumi tsha phombwe,” Bivhili yo ralo. Huno, fhedzi-ha, khezwo-ha. Vha do ita uri hu vhe na u langa ndango ya mbebo huno vha badela dolara dza tshigidi, katukutuku, u itela mmbwa thukhu ya kale; na zwi ranga phanda nahone vha zwi ñea lufuno lwa ñwana, uri a kone u tshimbila vhusiku hothe, nahone a didzhenise kha zwa ndanga mbebo.

⁵⁸ Ndi mini tsho lindelaho fhedzi u vilingana! Zwi nga itea na si tsha pfa ipfi langa hafhu, fhedzi ndi khou toda ni tshi elelwa hezwi: Ri vhufheloni!

⁵⁹ Heneffo, ri wana zwe zwa itea, zwe zwa ita. Mafhedziselonni, awara *khulwane* ya da: Ahaba o vha o khethiwa, huno musi o ita, a mala Isabele; uyo musadzi wa kale o sinaho we a ranga phanda Isiraele yothe u ya kha midzimu i sili. Huno vhunga Isiraele o ita, mulandu, hezwi . . . Vha fanela u vha vho vha vhe kha nyimele ya u gunea, u vhuya vha tendela tshithu tsho raloho tshi tshi bvelela kha lushaka lwavho. Milayo i itwa nga vhathe u itela vhathe, huno ro ita zwenezwo zwithihi!

⁶⁰ Ho vha na tshifhinga tshe Amerika la vha li si nga vhi . . . vho divha zwa khwine u fhira u vha vho tendela murengisamuvhili wa kale, phombwe ya kale ye ya kambiwa nga malofha a vhafelalutendo, yo vha vhulaha, huno tsho itisaho uri vha shavhe hafha, u itela mbofholowo, vho vha vha tshi do vha vha songo kondelela tshithu tsha u ralo. Zwi sumbedza uri ri kha nyimele ya u humela murahu, lushaka lwothe, u nanga zwe raloho. Oo, zwe ralo, zwino ni . . . vhañwe no humela murahu Democrats vha do humbula hezwi, uri “Oo, zwe luga, u do—u do ita thoho yavhudzi ya politiki.” Izwo zwi nga di pfala zwe luga u ñana, kha muhumbulo wa ñama. Fhedzi kha Ipfi la Mudzimu na

muhumbulo wa tshimuya, a zwi pfali. Zwa vhukuma a zwi iti, dolara dza nyengedzo dzi si gathi na miñwe mithelo kana tshiñwe tshithu tshi no nga itshi tsho tumulwa.

⁶¹ Huno ri khou vha na tshifhinga tshi kondaho, vhafunziruñwa vhashu tsimuni ñamusi, ngauri zwino ri dzhiwa sa lushaka lwa Katolika. Mulandu, ngoho, Russia i dzhiwa sa vhukomunisi ngauri vha na murangaphanda wa tshitshavha. China tswuku i dzhiwa sa ya vhukomunisi ngauri vha na murangaphanda wa tshitshavha. Ri dzhiwa sa vha Katolika ngauri ri na murangaphanda wa Katolika.

⁶² Oo, musi Ahaba o vha e kha khulunoni . . . Inwi ni ri, “U kha khulunoni.” Izwo ndi zwone, fhedzi Isabele o vha e thoho murahu ha iyo khulunoni. O vha e ene we a ranga phanda. Sedzani uri o dzhia hani milayo yeneyo ya shango huno a i thwista u mona hoþhe, na u itela mbuelo yawe ene muñe nga tseda, huno a ita uri Ahaba a zwi ite ngauri o vha o dzeana nae. Huno ndi nga ndila ine ra vha na murangaphanda washu ñamusi. A thi khou ri ha munna wavhudji, fhedzi sedzani zwi re murahu hawe: phombwe, tshithu tshithihi tshine ra tshi tshimbidza hafha (u vha Amerika) u itela; milayo yeneyo ye Amerika la fhaþa khayo. Rine, nga u nanga hashu ha mboholowo, ro nanga tshithu tshi ngaho itsho.

⁶³ Zwino ni a vhona uri ndi ngani ipfi langa li tshi khou yo imiswa hu si kale. Fhedzi muñwe u khou yo ðivha! Ee! Ndi ngani? Nzumbululo 2:20, o divhidza “muporofita wa musadzi.” Itanu lavhelesa gabelo la tshivhi li tshi itea zwino. Ni sedza ho khwathahaho hu tshi ya u tuma kha ho khwathahaho. Ni lavhelese u khwinifhadza, ni lavhelese zwithu zwi si zwikhethwa zwi tshi itea zwivhidzoni. “Huno, mafhedziselon, hu do da mutovholo,” Bivhili yo amba nga u ralo, A RALO MA AMBA MURENA! Zwa vhukuma, hu do vha na.

⁶⁴ Zwenezwo hu khou ya u itea mini? U tou fana na zwe zwa ita murahu ngei, zwi do ralo zwino. O vha e maandja murahu hazwo, o vha e ene we a zwi langa. Vhalani yone . . . ndi a tenda uri ndi ya vhusumbe . . . u yela kha ya vhu¹⁷ kana ndima ya vhu¹⁸, henehfo, ni do wana zwe Isabele a ita: nga ndila ye a dzhia Ahaba, huno ho ngo kona u amba tshithu nga hazwo ngauri ho vha hu mufumakadzi wawé. Sedzani zwe lushaka lwa fhaþwa khazwo tshifhingani itsho, ene Muisiraele o guneaho a na mufumakadzi wa vhahedeni (murahu hawe) we a vha a muloshi wa Baalimu. Huno o ita mini? O fhedza o zwi ita zwa tshimodeni, nahone zwa vhudi, vhathu vha zwi wana zwi tshi leluwa, u swika tshivhidzo tshoþhe tshi tshi fhuriwa ngazwo, vhareri na vhoþhe. Naa Eliya ho ngo ri, “Murena, ndi mne fhedzi o salaho”? Huno sa zwe zwa vha zwi zwone tshifhingani itsho, zwi fana na ñamusi.

⁶⁵ Vhoþhe vho vha vha tshi khou ofha u amba tshiñwe tshithu. A zwi fani na zwithu zwithihi ñamusi? Vho vha vha tshi ofha u amba tshiñwe tshithu. Ngauralo ri wana uri, vho vha vha

tshi leluwa, u ḥanganana, vhudakwa, vha tshi bvela phanda, na midifho ya vhudabada, na tshinwe na tshinwe-ho, sa zwine zwa vha zwone namusi. Isabele a tshi khou thwista ayo Manwalo... Naa o ita mini... kana iyo milayo, vhunga—vhunga Isabele a tshi do thwisita. Elelwani, Isabele, u divhidza “muporofita wa musadzi,” uri a vhuse vhathe, huno u ri ndi ene “ipfi la Mudzimu fhedzi kha liphasi.” U do ita uri muhumbulo wa nama u tende hezwo sa shango li na vhuṭanzi.

⁶⁶ “Hu do da nduvho ya musadzi, kha la United States, huno uyo u do vha Maria.” Ndo i vhona, furaru... 1931. Zwithu zwa sumbe zwe bvelela. Ndi nayo kha bambiri hafha, na nne, yo nwalwa nga 1931. Nga ndila ye nda ri “Uyu Muphuresidennde, Franklin D. Roosevelt, u do vhanga shango lothe, u thusa u zwi ita, a rumela shango nndwani.” A ho ngo da nndwani, nga tshifhinga tsha mutsiko. Nda ri, “Tshinwe tshithu,...” Huno mme anga, Democrat yo dzingindelaho, arali vha songo ntsedza nga maanda musi ndi tshi amba hezwo. Nda ri, “A thi londi arali o vha e Republican kana arali o vha e Muthu wa matshilisano kana tshinwe na tshinwe tshire a vha tshore, ili ndi A RALO MA AMBA MURENA.” Huno nda ri, “U ita hezwi, vha khou tendela vhasadzi vha tshi khetha. Huno musi vha tshi ita izwo, vho ita zwi shonisaho kha ulu lushaka tshe lwa vha hone.” Huno nda ri, “Liñwe duvha vha do zwi badela.” Huno vho ita kha khetho heyi ya u fhedza. Ndi zwone zwe mu nangisaho, vhasadzi.

⁶⁷ Huno vho inwi vhathe vha vhudi vha makhaladi, ngei Tshipembe, no khetha hani! Inwi ni ri, “A ni na mushumo wa u amba izwo kha phuluphiti.” Oo, ee, ndo ralo, ndi Ipfila Mudzimu! Huno dondo la-la Abraham Lincoln, lone le la ni vhofholola, lo edela ngei kha uyo muziamu kha rokho ya musadzi, huno ni rengisa vhatanzhe hanu. Thoni kha inwi.

⁶⁸ Huno vho inwi vhathe, u itela politiki, ngauri ni tou vha Demokirasi yavhudzi, a khetha tshi nga itsho, na rengisa vhatanzhe hanu ha Vhuamarika na Vhukriste, u i nea nga kha murengisamuvhili we a ri gidimisa kha ulu lushaka, zwe zwa ri ita zwe ra vha ri zwone. Ni a vhona uri o nangavhedzela hani? Zwi tshi leluwa, u swika zwino a tshi vha kha khuluñoni. Zwa vhuksuka! khuluñoni ya White House.

⁶⁹ Sedzani! Zwo no di ralo kale... Naa no vhona liñwe duvha nga ha zwikolo zwa Katolika na zwikolo zwa Porotestanti? Tikedzani tshikolo tsha Katolika fhedzi hu si Porotestanti. Ni a vhona? Oo, mukomana! Inwi sedzesani gabelo la zwithu zwi no khou da zwino. Dzhielani nzhele, huno vhunga vho zwi ita, sedzani zwe zwa itea. Hetshi tshivhi tshothe tshi tshi khou dzhena ngomu. Zwi swika fhethu na kha lushaka nga iyo ndila ya fhethu hu dedelekaho.

⁷⁰ Minwaha i si gathi yo fhiraho, musi vho vha vhe na... Vhapentekosta la vha tshi thoma u fhandekana, lwo tshidza

lushaka miñwaha i si gathi yo fhiraho musi Al Smith a tshi khou ya u vha ranga phanda. Amerika lo divha khwiñe zwenezwo. Fhedzi Pentekoste yo vha ya shango nga maanda lwe ya dzhena ngomu huno ya rengisa pfanelo dzavho sa Mukriste, kha politiki, huno ndi politiki phanđa ha Bivhili. Yawee, nne nne!

⁷¹ Zwino, lwa tshifhinganyana, huno sedzani uri izwi zwi bva hani. Zwino, ri wanulusa zwe vha ita na zwithu zwe vha ita, ri zwi vhona zwi tshi vhambedzwa hafha kokotolo, tshivhi kha tshanda tshiñwe na tshiñwe. Isabele a dzhena, a lowa vhathe vhothe. Huno dzhielani nzhele, mafhedziselon, a thoma u fhata mitumba kha Baalimu. Naa izwo ndi zwone? Huno vhotshifhe vha Baalimu vho fhufha u bva huñwe na huñwe uri vha dzhene afho fhethu, huno vha thoma u tshikafhadza mashango nga u losha ha Baalimu.

⁷² Sedzani uri vho ita hani, sedzani uri vho dzenisa tsheñe hani. Zwithu fhedzi zwe vha ita, sedzani hune vha vha hone ñamusi. Lavhelesani kha Vhukatolika vhu tshi mila, vhu tshi mila, vhui tshi mila; vhu tshi dzhena ngomu, vha tshi kwasha hezwi, zwe Daniele a amba uri vha do ita kokotolo. Tsimbi na vumba a zwi nga tangani, fhedzi u tanganyisa mbeu dzavho nga tshawho, vha tshi kwasha. Musidzana muñwe na muñwe wa Muporotestanti u mala mutukana wa Katolika u tea u alusa vhana vhawe sa vha Katolika. Zwothe zwi nga ho izwo, a tshi dzea, na u tanganyisa, nga u ralo u swika zwi tshi da fhethu hune United States lothe lo neta.

⁷³ Naa ri khou yo itani sa vhafunziruñwa, vha tshi khou ya nn̄da ngei u vhofholola Amerika Tshipembe na hothe kha tshipida tsha shango, Tommy Osborn na avho vhañwe, vha tshi khou lingedza u bvisa vhathe kha vhuhedeni huno vha kona u sumba munwe wavho heneffo murahu uri ro nanga murangaphanda washu, na zwenezwo zwithihi. O Mudzimu. Naa hu khou—naa hu khou yo bvelelani kha ili shango? Li tea u dzinginyisa muthu muñwe na muñwe ngomu hafha. Ri khou ya u fhindala hani? Mufunziruñwa u khou ya u amba mini musi vha tshi ri, “Wo da fhano uri vhofholola kha hezwi, huno vhathe vha vhoinwi vhañe vha vhea zwenezwo zwithihi ofisini yanu heneffo, kha khulunoni”? Naa ri khou yo... Mini...

⁷⁴ Sedzani murahu kha masiañari a divhazwakale, humelani murahu huno ni vhone arali zwi—arali zwi zwone zwa vhukumakuma, katukuñku, hu si na ndayotewa ya uri zwi vhe nga u ralo. Vho vha si nga zwi iti miñwahani yo fhiraho fhedzi, ni a vhona, ro rengisa pfanelo dzashu dza Tshikriste kha politiki, huno iyo ndi ndila ine diabolo a khou ñana ngayo. Ahaba o vha e si tshithu nga nn̄da ha ñhoho ya Isabele. Ndi zwenezwo fhdzi zwine hezwi zwa do vha. A nga si zwi ite ene muñe, fhedzi iyo sisteme i re murahu hawe i do mu khadela khazwo. Ndi zwone kokotolo! Totani luvalo lwanu, inwi Mukriste. Dikaruseni, tshifhinga tsho ñuwesa u fhira zwine

na elekanya. Nyimele ine ra vha khayo, nyimele ye vho vha vhe khayo, na ndila ye vha litsha u vhofholowa.

⁷⁵ Nga ndila ine mbilu khulwane i funaho ya Mudzimu ya fanelia u vha yo lila, na u tswimila, vhunga O vhona vhathu Vhawe vha vhurumiwa. O vha ita tsumbo, tshaka dzothé dici tshi khou da huñwe na huñwe ngauri Mudzimu o vha fhañtshedza, a tshi vha vhona vhe kha vhuthihi, lwa tshimuya, vha tshi khou shumela Mudzimu. Huno zwenezwo u elekanya uri O—O tñlutshelwa u vha vhona vha tshi vhuya murahu kha lufuno lwavho lwa u thoma na u ita zwe zwa vha zwi zwone, fhedzi vha bvela phanda na u wa, na u wa, na u wa, u swika Isabele a tshi dzhena. Izwo ndi zwone kokotolo zwe ra ita. O sudzulutshela kha milayo ya Kristo. Musi Mudzimu a tshi ruma vhashumeli Vhawe u mona na lushaka, vho rera vhukhethwa (Vhafhiri Vhakhethwa, Vhanazarini, Vhapentekostala), “Humelani murahu kha Mudzimu! Vhuyelelani ha Mudzimu!”

⁷⁶ Huno zwivhidzo zwa vhukuma zwo imiswaho lwa tshifhinga tsha kale zwi sokou seja na u swaswa. Vhunzhi ha vhatendi vha musalauno, mulandu, vho hatula tshinwe na tshinwe tshe avho vhanna vha ita huno vha ri “Tsho vha tshi tsha diabolo.” Naa zwo itani? Huno tshivhidzo tshi thoma u zwi thetshelesa, vhanzhi vha thoma u thetshelesa. Tshithu tsha u thoma ni a ñivha, “Arali musadzi wa Katolika a tshi nga ambara hezwi zwithu zwo fhambanaho, Porotestanti i nga ralo nayo-vho. Arali tshivhidzo tsha Katolika tshi tshi nga ita *hezwi*, Porotestanti i nga ralo-vho. Zwenezwo arali Methodisi i tshi nga ralo, mini-ha nga Baphuthisi? Zwenezwo arali Baphuthisi yo vha i tshi nga kona, mini-ha nga ha Vhapentekostala?”

⁷⁷ Ni a vhona, ndi zwine sisteme dzo itwaho nga muthu dza ni dzenisa khazwo. Hañeluva! Izwo ndi ngoho. Itsho ndi tshone tshi itisaho uri ndi lwe nazwo, ngauri Ipfi la Mudzimu li lwa nazwo. Sisteme dzo itwaho nga muthu: Mudzimu u lwa nazwo, Ipfi Lawe li hanedzana nazwo, vhaporofita Vhawe vha do lwa nazwo, Vhalanda vhawe vha vhukuma vha do lwa nazwo, vhothe vho bebwaho nga Muya wa Mudzimu vha do lwa nazwo.

⁷⁸ Lavhelesani uri Isiraele yo wana hani, uri vho papamala hani nga gabelo, u swika mafheleloni Isabele a tshi da. Sedzani uri Amerika i ngafhi, yo ela magabelo a shango, u swika Isabele a tshi dzhia khulunoni. Izwo ndi zwone. Zwino, Isabele zwa vhukuma o vha e si kha khulunoni ya Egipita . . . kana, khulunoni ya Isiraele, fhedzi o vha e thoho khulwane murahu ha khulunoni. Huno mutevhekano wa Katolika a u ho kha khulunoni ya United States, fhedzi ndi sisteme murahu hazwo ngauri o malwa ngae. Huno Bivhili yo amba, kha lino shango, vha do ita “*tshifanyiso tsho fanyiswaho na livhandá*.”

⁷⁹ Oo, mukomana, khaladzi, naa thaidzo ndi mini? Zwo luga, ndi—ndi a ñivha zwine zwa vha zwone. Bivhili yo ri vha do

wana hetshi tshikhathi tsha Ladokia, huno ndi heneffo hune ra vha hone. Ni nga di mmbenga zwino, fhedzi linwe duvha a ni nga do ralo musi ni tshi wanulusa zwine zwa vha Ngoho. Ni nga dihanedza na takuwa huno na bva tshifhaoni, izwo zwi tou sumbedza u shaya ngudo hanu. Fhedzi linwe duvha ni do limuwa, linwe duvha ni do swela na u divha uri ndi Ngoho! Ndi a I amba nga Dzina la Murena! Divhea sa gobane, ine mafhedziseloni ya do nkhadela tshaloni. Ndi khou ya u vha thanzi u swika ndi tshi fa, arali Mudzimu a nthusa. Izwo ndi zwone.

⁸⁰ Ri hafha kha iyi nyimele ine ra vha khayo namusi, zwe the zwi khou bvela phanda nga u ralo. Kha la Isiraele, nga ndila ye Ahaba a ita, thoho ya Isabele ngauri o... o vha o malwa ngae. Amerika, murangaphanda washu, o ita hani... Ni a divha uri murangaphanda washu o vha e munna wa mupfumi? Ndi vhanganha vho no zwi divha izwo? Radzimilioni. Munwe muthu o mmbudza, kha magazini kana inwe radio kana thelevishini kana tshinwe tshithu, Jack Benny kana muñwe muthu o ita yone... Ernie Ford, ndi a tenda two vha zwi zwone. Muñwe muthu o amba zwauri "Khotsi awe vho mu thusa u wana mashango mavhili e a si a lange." U tou langa othe o salaho. O zwi wana hani? Tshelede iyo yo da hani? U bva kha u rengisa wisiki, na halwa. Ndi ngazwo o fhungudza mithelo kha wisiki na zwithu. Ndi zwe zwa mu ita uri a vhe munna o pfumaho. Tshithu tshi vhaishaho lushaka lwashu, ndi tshithu tshenetsho tsho tshinyaho mihibulo ya vhathu, tshithu tshe tsha rumela vhatukana vhashu u vha zwidakwa, na vhasidzana vhashu u vha vharengisamivhili, tshelede u bva kha izwo yo mu ita munna o pfumaho.

⁸¹ Zwenezwo zwithihi, iyo sisteme ya kale ya Isabele, zwenezwo zwithihi zwe zwa tovhola vhathu vhashu, tshithu tsho vha bvisaho (kha Vhuroma) ha vha fhisa nahone ha vha tumukanya nahone ha ita zwe the khavho, malofha mathihi a vhafelalutendo (Bivhili i ri) a khae! Khevho heneffo, vho malana. Huno riñe Maamerika ri pepeleka nazwo, "Oo, zwe luga, ri na dolara dza nyengedzo dzi si gathi huno ri khou vha na tshifhinga tshavhudzi. Ndi khwine kha dziñwe tshaka dzothe." Fhedzi, mukomana, inwi itonu lindela lwa minete.

⁸² Kha ri zwi dzhie nga vhurifhi nga vhurifhi zwino, lwa miniti i si gathi i tevhelaho, ri vhone zwe zwa itea.

⁸³ Vhareri vha zwi tevhelela, vha ngwandamela khazwo, vha bvela phanda nazwo, sisteme dzothe. Sisteme yothe ya Isiraele yo bvela phanda na Isabele. Vho vha vhe na tshifanyiso, ee. Huno Bivhili a i ri vhudzi zwauri maduvhani aya a u fhedzisela ri do vha na "tshifanyiso tsha unga vha ofhaho Mudzimu"? Zwiporofito zwe the zwe khunyelela, mukomana, ri vhufheloni! Lushaka nga u a ngaredza, ri kha vhufheloi! Lwa tshimuya, ri vhufheloni! Maitele mañwe na mañwe a kha magumo ayo!

Tshithu tshi tevhelaho ndi u ḏa ha Murena na tshandukiso ya Tshivhidzo.

⁸⁴ Mudzimu o rumela tshiga tshiňwe na tshiňwe, ndi a mangala, o ita tshiňwe na tshiňwe tshe A kona u tshi ita, vha tshi khou lingedza u kokodza vhathu, huno vha isa phanda na u tshimbila. Sedzani iyi ḏorobo hafha. Sedzani ili shango u mona hafha, na vhathu vha mađana a fumi na mađana a Pentekoste; na nga nthani ha u ima kha Ngoho, vhagai masiari ano? Ngauri muňwe o vha vhudza uri vha songo shumisana na muṭangano. Inwi mushai, nga khole... Mudzimu a vhe wa khathutshelo kha iwe, ndi zwine ndi nga amba. Arali vhoiwe Vhakriste ni na muṭodo u fhira izwo, ni na shambo la mutsingani vhudzuloni ha shambo la muṭodo. Ndi zwone! Zwine ra ṭoda ndi “u rera Mafhungomadifha na mano khao,” ane a do tshea tshithu tsha bva zwipiða. Vha ṭuwa u tou fana na vhańwe vhothe, zwenezwo ni a mangala uri ndi ngani ri tshi huwelela nga hazwo. Zwenezwo, ni a vhona, ni wana “shađa li rotholaho.” Ndi a li lavhelela, ndi tea u ralo.

⁸⁵ Hezwi zweithe zwe itea kha la Isiraele. Mafhedziselon, lińwe duvha, ha ḏa u giginya fhasi hu tshi bva sogani, ha ḏa muthu wa kale a vhonalahe e na mavhudzi, Eliya wa Tisibe. Na khathihi ho ngo bva kha lińwe la madzangano, o bva sogani! O vha a si na mushumo navho. O vha e muporofita wa Murena. Mukomana, o dzinginyisa uyo muvhuso wa Isabele u itela tshiňwe na tshiňwe tshe tsha vha tshi ngomu hawo. Vho mu vhenga. O vha a si na tshumisano, ndi do ni vhudza hezwo. Bivhili i ri hai. Zwa vhukuma. O vha ita Vhoisabele vho penndaho zwifhatuwo “u swa,” ndi a elekanya. O vhea mbado tsindeni la muri vhunga zwe Yohane a ita, zwipiða zwe wela huńwe na huńwe he zwe tama u ralo, fhedzi o mu vhea ngomu henefho. O dzinginyisa lushaka, a tshi sumbedza uri vho khakha, huno a tshi khou lingedza u vha vhidzela murahu kha Mudzimu a tshilaho wa ngoho, na murahu kha Ipfi ḽawe vhudzuloni ha uri Isabele a luvhe.

⁸⁶ Naa vho itani? Naa vho mu ḥanganedza? Vho mu vhenga! Fhedzi Ipfi lawe lo ya phanda nga ndila i fanaho, ngauri o vha e na A RALO MA AMBA MURENA! Mudzimu o shuma nae, huno a sumbedza uri o vha e muporofita o doliswaho nga zwithu zwe a amba zwi tshi khou khunyelela. Huno zweithe zwe a ita zwe sumbedza uri o vha e muporofita wa Mudzimu. Fhedzi naho zwe ralo vho vha vha si nga ḽi tendi, ngauri o kherukanya mavimbi avho. O vha vhudza uri vho khakha. Ahaba o vha mushumi-zwawe. Ngoho! Huno no dzhiebla nzhele uri a vho ngo mu tenda, fhedzi o U rera nga ndila i fanaho. A hu na na muthihi wa vhareri we a tendelana nae, a ri, “Ndi nje fhedzi o salah, Murena. Vha sedzeni, a vha nga vhuyi vha... muňwe, a hu na muthu a no do shumisana.” Fhedzi o vha e na vhurumiwa he a tea u vhu ita huno o zwi ita. O vha e na Ipfi la Murena, A RALO MA AMBA MURENA! Huno a govhela lushaka, a govhela

tshivhidzo, a govhela tshinwe na tshinwe tshe tsha vha tshi hone, huno Mudzimu o vha e nae!

⁸⁷ Ro fulufhedziswa, maduvhani a u fhedzisela, uri u do vhuyeleta kha ili shango na ene-vho. Ndi a divha, Yesu, musi... Mateo 17, musi vha tshi Mu vhudzisa, “Mulandu vha manwalo vha tshi ri, ‘Eliasi...’?”

⁸⁸ Sedzani zwe A amba, “Eliasi nga ngoho u fanelu u da lwa u thoma,” o fhiraho, u pfiwa kha...kha tshifhinga tshi daho. Fhedzi zwenezwo U nea Yohane sa tsumbo. Yohane o vha e si Maleaxi 4. Yohane o vha e Maleaxi 3, “Vhonani, Ndi ruma mudinda phanda Hanga, u lugisa ndila.”

⁸⁹ Maleaxi 4, O ri, “Phanda ha duvha lihulu nahone li ofhisaho la Murena li tshi da, musi lifhasi lothe li tshi do fhiswa vhunga mavhivhi; phanda ha ilo duvha, ndi do ruma Eliya.”

⁹⁰ Huno ho vha hu si Yohane, ngauri na khathihi Murena ho ngo fhisa lifhasi musi Yohane o da. Huno arali na dzhiela nzhele, huno kha ndima ya u fhedza, kha ndimana ya u fhedza, O ri, “Huno a...” (lavhelesani: *u* khou amba) “...u do rembulusa dzimbiyu dza vhokhotsi kha vhana, *na* mbilu dza vhana kha vhokhotsi.”

⁹¹ Zwino sedzani! Yohane wa u thoma o da, Eliya wa u thoma, naa o itani? O da huno a disa Mulaedza huno a rembulusela mibilu dza kale dzi sa tendi kha lutendo lwa tshivhidzo tshiswa, vhana. Fhedzi musi Eliya a tevhelaho a tshi da, tshifhingani tsha vhufhelo, u do tea u humela murahu huno a dzhia mbi—mbilu dza vhokhotsi... mibilu dza vhana, kha ndi ralo, huno vha vha humisela murahu kha Lutendo lwa vhokhotsi vha pentekosta. Ni a vhona phambano? A nga si vhe munwe wa avha vha no *sokou-vhidzwa* namusi, u do humela heneffo murahu kha Mishumo ya 2 huno a thoma heneffo. U do rera Mafhungomadifha a so ngo tambelelwaho, a tou amba zwithu zwithihi zwe Petro a ita nga Duvha la Pentekoste, ngauri zwe a amba kha Pentekoste two khwaθhisedza manwe Manwalo othe ngazwo. A nga si rembuluwe na linwe dzangano, musi Eliya a tshi da. U do vhenga vhasadzi vhunga zwe Eliya a ita, u tou fana na...kana vhasadzi vhavhi, u tou fana na Yohane o ita. U do vha mufuni wa phangani u tou fana na zwe a vha e zwone. Ha nga vhavhaleli. Ri khou mu lavhelela uri u do da. U do da! Mudzimu o amba zwauri u do ralo, huno u do vha fhano!

⁹² Ndi a tenda, arali tshinwe tshithu, Mulaedza une ra vha nawo namusi u tshi do ranga phanda uho u da huhulwane hawe. Ee, munwe wanga! U ndilani yawe, o no di bebwa. Vhunga zwe Eliya a vha e zwone, huno a da a tshi khou vhiluula sogani, huñwe fhethu u do didivhadza. U do rera Mishumo 2. U do disa Lutendo lwa avha vhokhotsi vha kale vha Pentekoste heneffo murahu kha... lutendo lwa havha vhana vha Pentekosta, murahu kha Lutendo lwa vhokhotsi vha Pentekosta. U do

ya murahu kha Mishumo 2, Mishumo 2:38, hothe fhasi. U do disa Mafhungo-madifha a vhukuma, a so ngo tambelelwaho. A nga si vhe na mushumo na Isabele na sisteme yawe. U do vha mulanda wa Mudzimu. Ngoho zwi do ralo! Bivhili yo ri u do da. U do porofita huno a huwelela Mulaedza wawe kha tshifhačuwo tsha avha Vhoisabele, u tou fana kokotolo na zve Eliya a ita ngei mathomoni kha Isiraele. Vha do mu vhenga! A vha nga vhi vha shumisana nae. Hai, hai. U do da! Mudzimu o zwi fulufhedzisa, huno u do vuwa vhuponi. U do—u do rerela Tshivhidzo tsho Nangiwaho vhunga Lo amba uri u do ralo, a tshi khou dzinginyisa avho Vhanangiwa, vha tshi khou dzinginyisela zwa nama nn̄da havho, sha—shango na zwithu, vha tshi li dzinginyisa fhasi, vha tshi li vhilisela fhasi, vha tshi kuvhanganya Tshivhidzo fhethu huthihi, vhathu.

⁹³ Ndi a zwi divha uri ni ri, “Iyo ndi dinomineisheni yanga.” Mukomana, no khakha! Yohane o da sa sisteme ya munna muthihi u divhadza Munna Muthihi: Yesu Kristo. Huno Eliya ha nga vhi sisteme, i do vha munna, Yesu o amba nga u ralo. Hu do vha munna muthihi o doliswaho nga Muya Mukhethwa. Huno ha nga do divhadza miňwe midzimu miraru kana miňa, u do divhadza Muňwe: Murena Yesu Kristo, ngauri Mulaedza wawé u do dzinginyisa vhana vha Pentekoste murahu kha Lutendo lwa vhokhotsi hafhu.

⁹⁴ Ni a elelwa, mukomana, arali na amba izwi zwithu lwa muhoyo, ndi tea u vha aletareni. Ndi khou ni vhudza, “A RALO MA AMBA MURENA!” Arali Mudzimu a songo khwačisedza uri ndo ni vhudza Ngoho, u mona na lushaka, u mona na shango, zwenezwo mmbudzeni he khakho ya vha i hone. Ndi khou ni vhudza Ngoho! Vhuyelelani ha Mudzimu, nga u tamvanya! Ibvanī kha idzi sisteme, ngauri Bivhili yo amba kha Bugu ya Nzumbululo, uri mutevhekano wa Roma Katolika wo vha u “phombwe,” huno o vha a “mme a dziphombwe.” Ndi mini izwo? Zwivhidzo, maitele.

⁹⁵ Huna ndi ngafhi hune tshivhidzo tsha Methodisi, ndi ngafhi hune tshivhiodzo tsha Lučere, tsha bva hone? Naa vha Methodisi vho vha vha tshi do vha ngafhi, Baphuthisi, naa madzangano othe o bva ngafhi? Mudzimu na khathihi ho ngo dzudzanya tshivhidzo. Tshivhidzo tsha Katolika tsho ri vho thoma murahu henehfo, “Yesu o ita uri tshivhidzo tshi vhe dzangano.” Ndi ḥoda—ndi ḥoda siačari kha divhazwakale, kana siačari Bivhilini. Na khathihi a ho ngo vha na dzangano lwa miňwaha ya mađana mararu na rathi nga murahu ha lufu lwa muapostola wa u fhedza, zwenezwo vha vhumba Khoro ya Nicaea huno vha ita dzangano. Huno musi Luther a tshi bva... o vha e munna muhulwane wa Mudzimu, fhedzi nga u tamvanya musi a tshi tou ūwa, itsho tshigwada tshičuku tsha vhathu tsho ya nahone tsha vhumba liňwe dzangano. Zwenezwo Muya Mukhethwa wa bvela nn̄da kha John Wesley, na khathihi ho ngo

dzudzanya tshiñwe tshithu, fhedzi nga murahu ha musi o no ḥuwa zwenezwo vha dzudzanya. Zwenezwo Muya Mukhethwa wa dzhena na Vhapentekostala, huno vha bva kha Methodisi. Huno ho bvelelani? Zwenezwo *vha* dzudzanya.

⁹⁶ Fhedzi hu do vha na sisteme ya munna muthihi i no da i na maanda na ndodzo ya Eliya, u khunyeledza vhuporofita. Haleluya! Ú do zwi dzinginyisa. Huno, elelwani, o vha porofitela, nahone a porofita, huno a vha vhudza zwithu zweithe, huno Mudzimu a shuma nae. Fhedzi Mulaedza wawe wa u fhedza wo vundwa kha Nndu Tshena. Uh-huh. Musi Yohane a tshi da, Mulaedza wawe wa u fhedza wo dzeniswa kha Nndu Tshena ya ilo duvha. Mulaedza wa u fhedza wa Eliya, musi a tshi tsa na iyo ndila ala matsheloni murahu ha musi o vha a kha Vhuhone ha Mudzimu nn̄da hafho, a tshimbila nga iyo ndila e na mayhudzi o aluwaho hothe khae, thoho yawe i re na phanda i tshi khou penya, ndebvu dzi tshi vhudzula, ayo matuku, mañ a kale o vha a tshi khou penya a tshimbila nga vhugala ha Mudzimu. Iyo thanda tshandani tshawe, na milenzhe yawe yo ima ya dzhia nga hune ya kona. Naa u khou itani? A tshi khou tshimbila henefho fhasi a tshi bva Samaria ngomu vhuhoneni ha White House, huno vha tshi ri, “A RALO MA AMBA MURENA!” Ni songo ofha tshithu. Zwivhidzo two mu furalela, vhatu vho mu tanutshela, ngauralo u khou nea u govhela hawe ha u fhedza, kha White House.

⁹⁷ Zwenezwo ha bvelelani nga murahu ha izwo? Thetshelesani! Nga murahu ha uho u govhelwa, ipfi lawe la vha lo dzikaho, a hu tshe na muthu we a mu pfa. Mudzimu o mu vhidzela nn̄da ha vhupo, a ri, “Eliya, wo ita uri Mulaedza wau u divhee kha Isiraele yothe, vha a U divha. Zwino idani ngeno nthā sogani, tutshelani kule havho, difhandekanyeni ngauri ndi khou yo ita tshiñwe tshithu. Ndi di do vha sumbedza uri zwi ita mini u landula Mulaedza Wanga.” Ho dzhena mini? Nndwa, ndala, u sika.

⁹⁸ A RALO MA AMBA MUYA MUKHETHWA, “Sedzani zwi no khou da! Sedzesani zwine zwa khou yo tevhela! Ho vha hu na ndala, hu do vha na ndala!” Oo, khanwe hu si u itela vhurotho, fhedzi u pfa Ipfi la Mudzimu na Ngoho Yawe. Zwivhidzo zweithe zwi do ita matshilisano nahone zwa ya khazwo nga ndila i fanaho, u tou fana na musi vho no di milwa ngayo.

⁹⁹ Naa Eliya o itani? O wana tshisima tsho dzumbamaho, nthā-nthā thavhani he a wana Mađi a Vhutshilo, Nzumbululo khethwa i bvaho ha Mudzimu musi a tshi dzula nthā henefho fhasi ha maanda a Mudzimu. Nzumbululo i tshi tou vha tshisima tsho dzumbiわaho, musi vhañwe vhavho vha tshi khou sika. Huno Mudzimu kha fhatutshedze vhashumeli Vhawe (a ya maanga), o mu qisela zwa u la musi vhatu o khethelwa thungo kha vhatu. Huno vho vha vhe henengei fhasi vha tshi khou sika u itela mvuseledzo na vhothe vha tshi khou bvela phanda. [Tshikhala kha thephi—Mudz.] “Ni songo tsha pfa inwe ya

dzimvuseledzo dzawe kha... Naa u gai u la muthu wa mbiti o aluwaho a no tshimbila a tshi thuthubisa madzangano ashu? Naa u ngafhi zwino?" A vho ngo diwha. O dikokodza na Mudzimu, nnda fhethu ho dzumbamaho he vha sa pfe ipfi lawe. Zwenezwo vha thoma u vhona.

¹⁰⁰ Musi Mudzimu a tshi rumela Mulaedza huno a vhudza vhathu, huno vha sa U ḥanganedze, zwenezwo O bvisa mulanda Wawe nahone a rumela mathupho Awe: ndala, lufu (ri tshi amba lwa tshimuya, na riñe-vho). Ni lavhelese mutsiko, mukomana. Ni elekanya uri no vhona tshiñwe tshithu, ni tou ima lwa tshifhinganyana. A ni athu vhona tshithu. Ni elekanya uri ni khou fa nga u swela mvuseledzo yavhuđi ya tshimuya, ni lindele u swika nga murahu ha tshifhinganyana. Inwi itonu lindela, tshifhinga tshilapfu huno ni lile u pfa Ipfi la Mudzimu. Bivhili yo amba nga u ralo! "Hu do vha na ndala mađuvhani a u fhedzisela," o ralo muporofita, "huno hu si u itela vhurotho na madi fhedzi, fhedzi u pfa Ipfi la ngoho la Mudzimu." Fhedzi iļo ipfi li do fhumula, sogani huñwe fhethu, lo dzumbama.

¹⁰¹ O ta maanga, vhalanda Vhawe. Fhaṭutshedza izwo zwinoni, Vhashumeli vhawe, vhe vha vhulunga ipfi la—ipfi la Elia li tshi tshila nga tshifhinga tsha u—u fhandekanywa hawé kha tshivhidzo. Mahunguvhu o mu disela ɣama na tshinnkwa nga matsheloni, huno ɣama na tshinnkwa nga madekwana, huno a nwa tshisimani tshiñku musi vhañwe vhothe henengei fhasi vho vha vha tshi khou ita hu si na zwiñwe zwiñliwa zwa maya na madi.

¹⁰² Zwenezwo liñwe ḫuvha, nga murahu ha musi tshivhi tsho no dzhia mutevheli watsho, huno Mudzimu o disa vhathu Vhawe kha magona avho... Isabele o dzhiya tshiñwe na tshiñwe, a tshi phumula tshothe, huno u do tshi ita hafhu! Iyo ndi A RALO MA AMBA BIVHILI KHETHWA YA MUDZIMU, "U do zwi ita hafhu." U heneffo kha khulunoni zwino, murahu ha ḫohoho; a tshi khou i thwista nga iñwe ndila ine a ḫoda, a hu na muthu a no khou yo mu imisa. Zwa vhukuma, a hu na muthu ane a khou ya u mu imisa zwino, ngauri zwe vha si wane kha maimo a vhurereli vha a zwi wana—wana kha politiki, nahone vho ita zwenezwo. Uh-huh, izwo ndi zwone kokotolo zwe vha ita. Zwine, politiki i do vha vhufhura ha u vhuyeleta kokotolo kha luswayo lwa ḫivhanda, vhunga ndi na ngoho ya uri ndo ima hafha, ni a vhona, vhunga Bivhili yo amba.

¹⁰³ Ndi a zwi diwha uri ri khou lenga, ndi do ḫavhanya. Ndi tea u dzenisa heli ipfi la u fhedza ngomu, arali Murena a ntendela.

¹⁰⁴ Sedzani! Eliya o dzula heneffo n̄ha u swika Mudzimu a tshi mu sudzulusa. O vha a si na dzimvuseledzo. Ho ngo rera a sa lwi na tshithu. O tou ima ngei n̄ha e na Mudzimu fhedzi, nnda sogani, ngauri o vha e munna wa soga. O aluswa sogani. Ngauralo na Yohane o aluswa sogani.

¹⁰⁵ O ya nn̄da sogani e ēthe na Mudzimu, a bva tshivhidzoni nga murahu ha musi o no nea Mulaedza wawe. Huno tshivhidzo tsha U furalela, tsha U thudzela kule. Huno mafhedziselonii madzangano o vha a si nga iti tshithu, ngauralo o do tea u bvela nn̄da. Mudzimu o mu vhidzela nn̄da ha vhupo, a mu bvisa sogani, ha pfi, “Ibva hafha nn̄da, a vha tsha do thetshelesa. Id̄a, zwenezwo Ndi khou yo posela khaṭhulo Yanga khavho.” Oo, ee, u do vha a fhano liñwe ṥa haya maduvha, ni lavhelese.

¹⁰⁶ Zwenezwo, nga murahu ha maduvha a vhuporofita hawe, ho bvelelani? Tshivhidzo tsha nembelela, tshituhu tshihulu tsha Isabele, a vhea khae zwoṭhe, a vha nongola vhoṭhe. A vha vhea kha ene muñe, a fhaṭa zwimvumvusi na zwoṭhe.

¹⁰⁷ Fhedzi, liñwe duvha, Mudzimu o mu vhidzela nn̄da hafhu! Ngoyu u a bva. Thetshelesani zwavhudi zwino, huno ni songo ntsinyutshela. Ndi khou ri, “A RALO MA AMBA MURENA!” Musi a tshi bva, naa Mudzimu o itani? O mu rumela musadzi wa tshilikadzi. O vhuya a vha na ma—maanda a munna kha thoho yawe, fhedzi two dzhia lufu u mu vhofholola uri a kone u tenda Ipfi ṥa muporofita. Ni a dzhieila nzhele izwo? O vha e na munna we a mu endedza kha iyi ndila na iyo ndila, kha tshiñwe tsha zwikolo henengei phasi. Fhedzi nga ilo gomeleleo lihulu, o vha o ḥomolwa, lulu two mu dzhia. O vha a si tshe na vhuṭumani kha liñwe dzangano, ngauralo o vha o dilugisa zwino u pfa Ipfi ṥa Murena. Musadzi, a no amba Tshivhidzo; tshilikadzi, ye munna wawe (dzangano) a vha o no fa, huno o vha a tshi khou tou elekanya nga ndila i si na tshithu uri u khou tshila ene muñe. Huno Mudzimu a ri, “Tsela phasi khae zwino, u do u pfa, ndo mu laya.”

¹⁰⁸ Oo, ri elekanya nga tshiñwe tshifhinga, vhoiñwi tshigwada tshiñku heneffo tshi no fulufhedzea nga maanda nahone na ita tshiñwe na tshiñwe tshine ni nga kona u vha na muṭangano, u lingedza u sumbedza vhathu uri mbilu yanu yo luga nahone ni khou ḥoda vha tshi luga, ni elekanya uri ni khou vha na tshifhinga tshi kondaho. Fhedzi, elelwani, Mudzimu u na iṭo ḥawé kha inwi! Ni a Mu funa, ndi a zwi ḥivha uri ni a Mu funa, no vha ni si nga dzuli hafha, no vha ni si nga dzhenisi tshithu tsho raloho. Mudzimu u na iṭo ḥawé kha inwi. Ee!

¹⁰⁹ Huno musi o ita, munna wawe o lovha, dzangano ḥawé ṥa fa, ngauralo zwino o lugela u pfa Ipfi ṥa muporofita. Ngauralo musi muporofita a tshi ḫa khoroni huno a mu humbelu u itela ma-madi maṭuku, a ya u a wana. Zwenezwo a ri, “Ndisele zwiliwa zwa vhukhopfu.”

¹¹⁰ Huno a rembuluwa huno a ri, “Vhunga Murena a tshi tshila, a thi na tshithu nga nn̄da ha tsho edanaho.”

¹¹¹ Zwino, zwi vhonala u ga o vha a tshi khou ya u dzhia zwiñku zwe a vha e nazwo, fhedzi two vha two shandea. Musi o vha a tshi funa u nea zwe a do tea u zwi tikedza Ipfi, Mudzimu a

mu kanzwa. Huno arali ni tshi funa u nea zwine ni na Muya ufhio, zwe Muya we Mudzimu a ni nea wone uri ni u tikedza Ipfi, zwenezwo Mudzimu u do ita uri ni tshire. Haleluya! Oo, vhugala kha Mudzimu! Naa ni a zwi vhona, tshivhidzo? Ni songo elekanya uri ndi khou penga, a thi ralo. Fhedzi tshire na vha natsho, ndi zwiṭuku hani zwine na tenda kha Mudzimu, lutendo lune na vha nalwo, zwi vheyeni kha Ipfi, hu si kha tshiimiswa! Zwi vheyeni kha Ipfi la Mudzimu, U do ni ita uri ni tshire.

¹¹² O vha o dilugisa nga itscho tshifhinga, ngauri o kundelwa u rangani, ngauri vho vha si nga mu tendeli. Fhedzi zwino o lugela. Naa u do zwi ṭanganedza? Mudzimu o rumela muporofita nga ndila yawe. Naa u do ṭanganedza Ipfi lawe? Naa u do ṭanganedza uyu muporofita? Ee, o ita. Huno a mu vhudza, a ri, "Zwino, vhutshilo vhuṭuku vhune na vha naho, vhu vheyeni ngomu hafha, nn̄disele ni thoma." Huno ho itea mini? Musi shango lothe li tshi khou fhela na u fa nga ndala, ene na vhana vhawé na muṭa wawe vhoṭhe vha la zwiliwa zwavhudzi luraru nga ḫuvha, Nzumbululo ya Muya kha Ipfi. Ndi a fhulufhela uri ni a zwi vhona, dzikhonani.

¹¹³ Ho itea mini? O dzula heneffo u swika ndala i tshi fhela, a tshi khou tshila na uyu musadzi (itshi Tshivhidzo) we a mu ṭanganedza nahone a tenda Ipfi lawe. Huno a mu ita uri a tshire (a ita uri Tshivhidzo tshi tshire) nga Ipfi la Murena, ngauri o ri "A RALO MA AMBA MURENA."

¹¹⁴ Zwino, a ri na tshifhinga tsha u bvisa nganea yothe, ni a divha, uri o do tea u da hani kha makhaulatshile na Baali. U do zwi ita, nga linwe la aya mađuvha, ni songo vhilaela. Musi a tshi da a tshi vhiluula kha ilo soga, inwi ni sedze zwine zwa itea.

¹¹⁵ Naa ho bvelelani? Zwenezwo musi Eliya wavhudzi, wa kale, muporofita, mulanda wa ngoho wa Mudzimu, a tshi da magumoni a ndila yawe, Mudzimu o mu vhudza, linwe ḫuvha, a ri, "Eliya, wo rera tshifhinga tshilapfu lwo edanaho zwino. No lwa na Isabele na pennde yawe yothe na tshiñwe na tshiñwe u swika no no vha na zwo edanaho zwalo." Ha pfi, "Tsela fhasi ngei Yorodane!" Huno ngoyu u a ḫuwa, o tsela fhasi ngei Yorodane. Afho muela wa kale wa thophe u tshi khou tsa, u rothola, madi a muxwatu, sa zwine muthu u tea u livhana nazwo: Jorodane, lufu.

¹¹⁶ Fhedzi musi hoyu mulanda muhulu wa Mudzimu a tshi tsela fhasi ngei Yorodane, na murwa wawe a tshi khou tshimbila ngae, murwa wa Mafhungo-madifha, . . . Oo, ee, o vha e murwa wawe, "Khotsi anga, khotsi anga, gariki dla Isiraele, munna wa bere." Musi ene na murwa wawe vha tshi dzhena vho farana nga tshanda, fhasi ngei Yorodane, o vha a tshi khou sedza khotsi awe vha tshi ḫuwa nga matsheloni ayo.

¹¹⁷ Musi a tshi swika fhasi ngei Yorodane, a hovhelela huno a wana iyo nguvho ya maanda i bvaho kha mahada awe, a ri, "Lufu, u nga si ite tshithu kha nne." Huno a rwa

Yorodane, “Tuwa, ndi khou pfuka matsheloni ano.” Naa ho bvelelani? O sudzulutshela murahu huno a oma vhunga luvhanda. Muporofita wa kale o vha a tshi khou ita mini? O vha a tshi khou lavhelesa u bud'a Yorodane, o zwi divha uri ho vha hu na goloi yo mu lindelaho heneffo na bere. O vha a tshi khou ya hayani, mushumo wawe wo vha wo fhela. Murwa wawe kha Mafhungo-madifha o vha a tshi khou dzhia vhuimo hawe.

¹¹⁸ Ndo vha ndi tshi khou da hayani liñwe dñvha ndi tshi bva nn̄da Vhukovhela. Izwi zwi da thalukanyoni yanga. Nda funga radio (ndo do tea u reila mađuvha mararu, maela dza mađana a fumbili-iñä, nga nne muñe). Nda vulela radio huno nda . . . ndo thetshellesa zwa tshi muyä u bva kha Del Rio, Texas. Ho vha hu na munna we aa amba nga ha munna wa kale, wa mukhaladi, murema. O vha a tshi khou lugela u fa huno o do tea u tsela fhasi mulamboni, a ri, “Ayo masilipasi a musuku ane nda khou ya u a ambara, u tshimbila zwiñarañani zwa musuku.” Hoyu murema wa kale o rera vhutshilo hawe hothe na tshithu tshi tshothe tshe a vha a tshi nga elekanya ho vha hu u ñigedä, he a vha e naho, tshilidzo tshawe tsho nembelela luvhondoni. A dzula fhasi kha labi nahone a tambo luimbo, o awela kha vhusumeli hawe, na tshilidzo tsha kale. Iyo yo vha ndila ye a vha e nayo, u awela. O ri bere ya kale yo lukiwaho lwe a vha a tshi anzela u reila i do vha henengei fhasi nga goloi. Ndo vha ndi tshi khou elekanya nga havho. A ri, “Ayo masilipasi a musuku ane nda khou ya u a ambara, u tshimbila zwiñarañani zwa musuku.”

¹¹⁹ Huno musi o no fhedza u imba, nda dzima radio. Huno ndo vha ndi tshi khou ya heneffo, ndo fara vhili. “Oo, izwo ndi zwone. Ndi tea u tsela henengei fhasi na nne-vho. Ndi mini tshi nkhuthadzaho? Ndi wana ngafhi u khuthadzwa hanga sogani?” Ndi na tshigidi tshiñuku, tsha kale tshi no vhidzwa . . . Ndi zwima natsho kha u wa ha ñwaha. Ndi tshone. 270, model 721, Remington. Munna, mukomana, nneeni tshone, ngei California, miñwaha yo fhiraho. Ndo zwima natsho lwa miñwaha na miñwaha. Hani . . . ndi khuthadzo-de ye ya vha yone, ngauri ndi—ndi a ñivha uri ndi tshigidi tshavhuñi tsha u thuntsha, huno ndi vhudi ngei sogani.

¹²⁰ Zwenezwo nda elekanya nga ha bono langa. Musi ndi tshi swika hangei huno nda vhona vhatvu vhanga vhothe, nda pfa tshiñwe tshithu tshi tshi lila, huno ha bvelela Mukololo wanga muñuku (bere yanga ñukhu ya saleme) nahone a vheya ñohoh yawe kha mashada anga. Nda elekanya, “Ee, mañwe a haya matsheloni ndi khou tsela fhasi na nne-vho, ngei Yorodane.” Huno ya kale. 270 ye nda vha ndi tshi anzela u . . . i kha luvhondo. A tho ngo vha nayo fhasi u bva tshee ha swika lutavula lwo fhiraho. “Iyo bere ñukhu ya saleme ye nda vha ndi tshi i gadissa, Mudzimu u do vha o hungelelwa kha goloi yanga, nga matsheloni ayo musi ndi tshi tsela fhasi mulamboni.” Hu do vha ho ima u buđekanya mulambo heneffo. Mudzimu u do mu ruma, ndo

mu vhona vhuńwe vhusiku. U ḋo tumekanywa na goloi yanga, mańwe a haya matsheloni. Ndi ḋo vha ndo ṭuwa, ndi tshi gonya n̄tha vhukati ha makole.

Kha ri rabele.

¹²¹ Oo, kha ayo maanda a Mudzimu ane nda khou ya u diphina ngao musi ndi tshi tshimbila izwo zwiṭaraṭa zwa musuku! Iina, tshigidi tsha kale tshire zwino tsho nembelela kha luvhondo, tshi nga si vhe na mushumo natsho-ha. Ndi a mangala, arali goloi yanga ya ḍa, arali bere ḫukhu yanga ya sale ye nda i vhona kha bono i tshi nga ḫumanywa na gariki yanga, nga ayo matsheloni, o ima fhasi mulamboni. Ndi a fhulufhela uri u ralo. Ndi ḥoda u takulelwā n̄tha. Ndi ḥoda Tshivhidzo tshi tshi ya n̄tha nga u ralo na tshone-vho, ndi ḥoda muńwe na muńwe wańu.

¹²² Naa ni ḋo takalela u ḫivha uri ni khou tsela fhasi lini Yorodane? Naa ni ḋo furalela idzi sisteme dzi si na mudzimu dza ḫino shango huno na ḫanganedza Yesu Kristo sa Mutshidzi wanuń? Arali ni si Mukriste, naa ni nga imisa zwanda zwanuń na ri, “Nthabeleleni, Mukomana Branham. Musi ndi tshi da Yorodane, . . .”? Mudzimu a ni fhaṭutshedze. Mudzimu a ni fhaṭutshedze. “Musi ndi tshi tsela fhasi ngei Yorodane, Ndi ḥoda u dzhia maanda a Muya Mukhethwa kha n̄ne huno nda rwa mađi a vhulenda, huno nda budekanya.”

¹²³ Ni nga dzula hani fhasi ha u amba ho raloho, ndodzo ya Muya Mukhethwa, huno ni tshi ḫivha uri Muya Mukhethwa u mmbudza nyimele yanuń, nahone na kundelwa u imisa tshanda tshańuń? Zwi sumbedza uri ndi tshifhinga tsha lwendo lwa sogani! Naa hu do vha na muńwe ri sa athu rabela, muńwe? Hu na vhavhili vho imisaho zwanda zwavho; vhararu, Mudzimu a ni fhaṭutshedze, murwa.

¹²⁴ Khotsi ashū wa Tađulu! Vhararu; izwo zwi ḋo mangadza, Murena, arali vha—vha tou vha heneffo nga ilo ḫuvha. Ndi rabela uri vha ḋo ralo, Murena. Vho imisa zwanda zwavho ngauri vho ḫuṭuwedzeya uri hedzi sisteme dza shango dzi khou fa, huno maipfi a Ipfi la Mudzimu hu si kale a ḋo vha tshithu tshi kondaho u wana, Mudzimu u ḋo zwi ḫusa tshivhidzoni. Tshililo, mbidzo ya Muhwe hu si kale i ḋo ṭuwa huno sisteme ya Isabele i ḋo tshi bvisela nn̄da. Fhedzi vha ḥoda u vha na . . . u tshila nga itsho tshisima tsho dzumbamaho vhunga zwe Eliya a vha a tshi tea u vhulunga tshifhinga tsha ndala. Mudzimu, vha nee Muya Mukhethwa zwino, dadza mbilu ḫzavho nga dakalo na mulalo, huno vha vhea mihumbulo yavho kha Ipfi la Mudzimu uri vha kone u tshila zwino na ngavhuya, lini na lini. Vha fhaṭutshedze, Khotsi. Ndi Vhau, nga kha Yesu Kristo Murena washu.

Zwifhaṭuwo zwashu zwo kotama:

¹²⁵ Avho vho imisaho zwanda zwavho huno vha ḥoda u ḫanganedza Kristo, naa ni nga ima nga milenzhe yanuń, lwa

tshifhinganyana, musi ndi tshi khou ni rabelela? Itanu ima nga milenzhe yanu.

¹²⁶ O Mudzimu, naa ndo kundelwa? Na vhararu vhe vha imisa zwanda zwavho, hu si na vhutanzi ha u ima nga milenzhe vha tanganedza tshenetshila tshe vha vhuya vha ralo. Murena Yesu, ndi zwi kumedza zwethe zwandani Zwau. Ndo rera Ipfi Lau, nahone nda si tunganudze na luthihi. Zwino ndi—ndi sia nndu khavho, Khotsi. U ita zwo linganaho nga zwethe tshivhidzo na Mushumeli wanu, zwethe zwi zwandani Zwanu.

¹²⁷ Khotsi, ndi rabela uri U do tshidza vho xelaho, wa dadza mbilu dzi na ndala nga zwithu zwavhudzi, nea Vhutshilo Vhu Sa Pheli kha avho vha re na dora, imisa vhalanda Vhau u huwelela Mulaedza, nea phodzo kha vhalwadze na vha tshupheaho, wana vhugala kha Iwe muñe, ngauri ndi a dikumedza nga Ipfi Lau. Huno tshandani tshanga, na mbiluni yanga, na thalukanyoni yanga, nwala Milayo Yau, nga kha Yesu Kristo Murena washu. Amen.

Musi ni tshi da mulamboni magumoni a duvha,

A thi todzi u imba ulwo.

Huno zwi vhonala u nga khonani dzanga dzo
tuwa dzothe;

Hu do vha na Muniwe o lindelaho a no do
ntsumbedza ndila,

A thi nga tei u pfuka Yorodane ndi ndothe.

¹²⁸ Naa no kovha garaña dza thabelo, Bill? Ndi pfa ndi tshi lemela. No netshedza mini namusi? B? No netshedza na Avho, a no ngo ralo? Zwo luga, vhidzani ya u thoma ya B, ya u thoma u... Garaña ya thabelo B, ya u thoma. Ri khou ya u rabelela malwadze anu. B, nomboro ya u thoma, naa ndi nnyi a re nayo? Garaña ya thabelo B, nomboro ya u thoma, muñwe muthu murahurahu ngei murahu. Idani ngeno nthia, mufumakadzi. B, nomboro ya vhuvhili, imisan tshanda tshañu. Uyo mufumakadzi? Ya vhuraru. B, nomboro ya vhuraru, naa ni nga imisa tshanda tshañu ndi a humbelo, uri ndi kone u vhona hune. Rarú? Nomboro ya vhuña, B, nomboro ya vhuña. B, ya vhutanu. Naa ni nga imisa tshanda tshañu ndi a humbelo? B, ya vhutanu. Uyo munna? Zwo luga, rathi, sumbe, malo, tahe, fumi, fuminthihi, fumimbili, fumiraru, fumiña, fumiñhanu. Zwo luga, hafha, litshani B yothe i ime, naho zwo ralo. Itanu...

Uri...[A hu na tshithu kha theiphi—Mudz.]...ndo ya shangoni lothe, mufunziruña muñwe na muñwe tsimuni, hunwe na hunwe hune vha kona.

¹²⁹ Garaña dzothe dza thabelo B imani huno ni dzhie fhethu hanu u ya nga dzinomboro na dzanu.

Zwino, naa vha tevhelaho vho vha vhe mini? A? Ndi nnyi a re na garaña ya thabelo A, ya u thoma? A, ya u thoma, i ngafhi?

Ngoho i ngomu hafha. A, ya u thoma? Vho ḥewa lwa mađuvha mavhili, kana mararu zwino, uri vha songo vha fhano. Vhothe vha na garaṭa ya thabelo A, zwino itani muduba nga hafha. Iyani phanda u mona na luvhodo, no dzika.

¹³⁰ Ndi ṭoda u amba na vhoiñwi vha si na garaṭa dza thabelo, lwa tshifhinganyana muduba u sa athu thoma.

¹³¹ Zwino, nga garaṭa yanu ya thabelo, i fareni zwandani zwanu uri vhatukana vha kone u ṭanganedza garaṭa yanu ya thabelo. No vha no lindela, ni da nga u ṭavhanya nga madekwana u topola garaṭa yanu ya thabelo, huno na wana pfanelo ya u da kha muduba. Ndo ni fulufhedzisa, u u rabelela. Zwino ndi ḥo lingedza u vhulunga pfulufhedziso yanga, Mudzimu a nthuse.

¹³² Uyo ndi mutukana muṭuku wañu? Munna muṭuku o nakaho nga maanda. Ndi humbeluuri ni mpfarele. Uyu musadzi hafha ndi tshifanyiso tshavhuđi tsha Muamerika vhukuma. Mutukana wawe muṭuku, maavorolo maṭuku na badzhi. Musadzi muswa a na mavhudzi malapfu, o ambara zwavhuđi. Mudzimu a mu fhaṭutshedze na haya hawe, na munna wawe, vhafunwa vhawe. Izwo ndi zwa vhukuma U.S.A., na “Vhukriste” ho niwalwaho nga n̄tha hazwo. Tshifhinga tshilapfu ngavhe mashango ashu a tshi vha nga u ralo! Nkhangwele, mufumakadzi muṭuku, nga u amba izwo, fhedzi ndi tou... uri vhatu vha kone u vhona zwine nda elekanya uri zwi vhonala sa Mukriste; hu si na ḥala, zwine zwithu zwa vha zwone, mufumakadzi fhedzi.

¹³³ Mudzimu a ni fhaṭutshedze, Mukomana Sullivan.

¹³⁴ *Nanga Khulwane*, arali ni tshi ḥo funa.

Nanga khulu zwino i tsini,
Yesu a pfelaho vhuṭungu;

¹³⁵ Naa ni a tenda Khae? Naa ni a tenda uri ndi Ene Nanga Khulwane? Zwi u tou vha khagala lwa tshikhalanyana. Ri kha di vha na tshifhinga tshiṭuku, ndi ḥo pfufhifhadza mulaedza. Ndi a fhlufhela uri no zwi wana, naho, zwe zwa vha zwi tshi khou ambiwa. Itanu tenda nga mbilu yanu yothe. Musi vhothe vha tshi vha n̄dilani, muñwe muthu murahu hangei u ita muduba wa vhatu. Zwo luga? Ni ri mini? Zwino vhothe vha re na garaṭa dza thabelo vho ima.

¹³⁶ Naa ni a tenda ngeyo nn̄da, na yone, hu si na garaṭa dza thabelo? Arali ni tshi ḥo vha na lutendo, Mudzimu u ḥo ni vhidza. Zwino, garaṭa dzothe dza thabelo kha muduba.

¹³⁷ Uyo musidzana muṭuku o dzulaho murahu afho, a na mulenzhe u si wavhuđi, n̄tha hafha kha hezwi... Naa ni a tenda uri Mudzimu u ḥo mu fhodza? Arali ni tshi ralo, itonu vha na lutendo huno Mudzimu u ḥo ni tendela zwone.

¹³⁸ Elekanyani uri khotsi aňu vha lwalaho vha ḥo luga? Ni a tenda, ni nga vha nazwo.

¹³⁹ Mini-ha nga inwi nn̄da afho, ni tshi khou rabelela muđuhulu wañu ni na nyimele ya u tshuwa? Ni elekanya uri Mudzimu u do mu fhodza? Mufumakadzi, o dzulaho nn̄da hafho, arali ni tshi zwi tenda, ni nga vha nazwo.

¹⁴⁰ Vhoinwi nothe ni khou yo tenda?

¹⁴¹ Zwino ndi ḥoda... Naa ndi vhanganā vha vhakomana vhanga vha re fhano, vhareri vha Mafhungo-madifha, vhareri vha Mafhungo-madifha o dalaho kana tshiñwe na tshiñwe tshire vha vha tshone, vhane vha tenda kha phodzo ya Muya? Imisani zwanda zwañu. Ndi do takalela inwi ni tshi da ngeno huno na nthusa u rabelela avha vhatu, uri vhatu vha vhone uri a si nne ane a rabelela vhatu fhedzi, na inwi ni nga ralo-vho. Idani ngeno huno ni ime kha pulatifomo na nne. Naa ni do ralo, vharathu, vhoinwi vhashumeli? Idani henefha huno ni ime kha pulatifomo. Izwo ndi zwavhudī. Ndi a ni livhuwa, vhakomana. Ndi a ni livhuwa. Idani ngeno phanda, vhahashu, idani.

¹⁴² Ni ri mini? [Mukomana u ri, “Naa ri nga ita muduba wa kavhili afha?”—Mudz.] Ee, ni nga ralo. Itani miduba mivhili henefha, i do vha yavhudi. Izwo ndi zwavhudī. Zwino rembulutshelani nga iyi iñwe ndila, mukomana. Rembuluwani nga heyi ndila, ndi khou ya u disa vhatu henefha. Zwino vhañwe vha vhoinwi dženani nga thungo iyi yanga, henefha ngomu hafha, arali ni tshi do funa, imani u mona hothe nga thungo heyi. Izwo ndi zwone.

¹⁴³ Zwino, kha vhathetshelesi, ni vhona avha vhanna vhavhudī fhano? Ndi vhanna vha no do ima henefha n̄tha, huno vha imela aya Mafhungo-madifha eneo mathihi ane nda khou rera. Ni a vhona? Vha da ngeno ngauri vha tenda Khazwo. Zwino ni tea u vha a dihudzaho mufunzi wañu a no do disumbedza kha iyi pulatifomo hafha, nga maandā, a tshi khou rera ho dzingindelaho. Havha ndi vhanna vha re na nzumbululo, vhane vha divha uri... hu si nne ndi tshi lwa na vhatu, tshinwe tshifhinga ri vhofhiwa nga sisteme ine ya ri ita... Idzo sisteme ndi dzine ra lwa nadzo; hu si muthu, mulanda wa Mudzimu.

¹⁴⁴ Zwino, arali ro vha ri na vhuṭalukanyi ha muñwe na muñwe hafha, ni elekanya uri ndi do vha afha lwa tshifhinga tshingafhani? Ndo vha ndi tshi do wa musi ndi na zwi... no ḥodou swika zwa rathi, zwiñanu kana zwa rathi, fumi; zwiñukunyana, khamusi hafu, kota ya muduba, ndo vha ndi tshi do vha ndo ḥuwa, vhañwe vhothe vha nga si rabelelwe. Ri nga si kone u ita hezwo. Huno sa izwo zwi tshi... fhedzi a ni tei u vha na hezwo. Ni a divha uri vhuleme hanu ndi mini. Ni a divha zwe na ita, zwino būlani zwivhi zwañu. Arali muñwe wa vhoinwi nn̄da hafho a na u timatima hułuku mbiluni yanu, zwi bviseni zwino nahone ni vhudze Mudzimu uri a ni hangwele. Arali ni songo luga kha Mudzimu, vhudzani Mudzimu uri a ni hangwele. Arali ni sa khou ralo, huno a no ngo luga kha Mudzimu, a zwi khou

yo ni itela tshithu tshithihi tshavhuđi u ḫa nga hafha. Ni khou tambisa tshifhinga tshañu. Izwo ndi ngoho. Zwino, naa izwo ndi zwone, vhakomana? Izwo ndi zwone.

¹⁴⁵ Sedzani hafha. Hafha ho ima Mukomana Kidd hafha. Ndo ṭodou kherukanya mathaela a modoro wanga uri ndi swike khae, ḥwaha u no ṭodou swika muthihi kana mivhili yo fhiraho, u... O vha a tshi khou fa nga pfuko, a tshi khou yo fa iļo ḫuvha. Mufumakadzi wawe a mmbudza, a ri, “Tavhanya!” Ha pfi, “U khou fa zwino.” Musi ndi tshi swika heneffo, Murena a mu fhodza. Huno ngoyu u kha di vha o ima. Ndi elekanya uri o no vha na tshireme *nga maanda* na tshiňwe na tshiňwe. Mudzia-tshenzhemo wa kale, murahu, ni a divha. Ulwo lwo vha lu lushaka lwa munna we nda vha ndi tshi khou amba nga hae, miňwaha yo fhiraho, we a rera; huno a dzula heneffo kha iļo Ipfi, huno vhatu vha mu sea. Huno ene na mufumakadzi wawe vha tshi khou tshimbila tshiporoni tsha ndila ya tshidimela na tshiňwe na tshiňwe-vho, na kule n̄tha dzithavhani, na mimaimi ya malasha, huno a gidimela nndā, nahone a posela dzhele, na tshiňwe na tshiňwe-vho. Uyo ndi munna we a lwa u wina tshiphuga, ulwo ndi lushaka.

¹⁴⁶ Zwino, vhakomana, ndi ri kha vhoinwi, hu na khonadzeo ya uri no vha ni si nga vhi na maya wa vhuṭalukanyi. Izwo a zwi tei u ralo, ni a vhona, izwo—izwo a si zwa ndeme. Tshithu tsha u thoma, ni munna wa Ipfi. Ni khwine, vhareri vha khwine u fhira nne, ngauri a—a thi tou vha nga maanda mureri. Fhedzi ndi... fhedzi no—no dolswa, muthu muňwe na muňwe ane a vhidzwa u rera Mafhungo-mađifha o vhidzelwa u fhodza vhalwadze; ndaela dza u angaredza ndi: “Iyani mashangoni othe huno ni funze Mafhungo-mađifha kha tshivhumbwa tshiňwe na tshiňwe. Uyo ane a tenda nahone a lovhedzwa u do tshidzwa. Hezwi zwiga zwi ḫo tevhela avho vhane vha tenda. Arali vha vhea zwanda zwavho kha vhalwadze,” na zwiňwe-vho, “vha ḫo fhola.” Arali no vhidzelwa u vha mushumeli, ni vhidzwa u rabelela vhalwadze.

¹⁴⁷ Huno tshi itisaho uri ndi ite izwi ndi u itela avha vhathetshelesi...uri vha kone u vhona zwauri a vha tei u lindela muňwe muthu wa tshipentshela, Oral Roberts, Tommy Hicks, Tommy Osborn, nne muňe, muňwe muthu a ḫaho u itela tshumelo ya phodzo. Ndi ḫoda vha tshi vhona uri ni vhanna vha Mudzimu. Ni a vhona? Inwi ni munna... U tou vha wavhuđi nga maanda u vhea zwanda kha muňwe na muňwe wavho sa—sa nne kana nnyi na nnyi-vho. Itali, vhakomana, nothe ni a divha, sa—sa vhashumeli, ndi lutendo lwa vhone vhañe kha Mudzimu lu no ita mushumo. Naa izwo ndi zwone? Ri tou vha itela thabelo.

¹⁴⁸ Zwino inwi ni ri, “Mukomana Branham, ndi Muya wa Muya Mukhethwa heneffo na inwi?” Zwa vhukuma. Ee, muňe wanga!

¹⁴⁹ Zwino kha vhoinwi kha vhathe- . . . mudubani heneffo, arali ni tshi tenda nga mbilu yanu yothe uri Mudzimu u khou yo ni fhodza, imisani tshanda tshanu, ni ri, "Ndi do zwi tanganedza."

¹⁵⁰ Zwino, idani hafha, irani hoyu—irani hoyu mufumakadzi a de hafha. A thi ni divhi, na khathihi a thi athu ni vhona. Arali Muya Mukhethwa wa mmbudza, uri vhakomana vhanga hafha, ri vhuhoneni sa hezwi, ngauralo vho ima vhothe u mona na nne. Huno hu si izwo fhedzi, vharathu vhanga vha fhano, na Murena wanga u fhano. Ndi Murena wavho, nae-vho. Zwino, arali A tshi do mmbudza tshiñwe tshithu tsho khakheaho kha inwi, tshiñwe na tshiñwe tsho khakhea kha inwi, ni do divha uri ndi ngoho kana hai. Ndi a vha toda, ndi toda vhathetshelesi, Ndi khou toda vhatthu nnda hafho vha tshi vhona uri Muya Mukhethwa u fhano kha puñatifomo uri vha neye vhuñalukanyi, fhedzi izwo a zwi fhodzi muñwe na muñwe. Fhedzi arali A mmbudza tshiñwe tshithu nga ha inwi, tshine na divha uri a thi divhi tshithu nga hatsho, u tou fana na musi ho vha hu musadzi tshisimani . . . Hu si lushaka luthihi lwa mafhungo, fhedzi ndi khou amba munna na musadzi vha tshi tangana lwa u tou thoma. Yesu, munna wa miñwaha ya vhukati, huno uyu musadzi hu na khonadzeo ya uri o vha e musadzi muswa, khamusi a no nga inwi.

¹⁵¹ Huno arali A tshi do ralo, naa a nga mmbudza uri no dela mini fhano, vhuleme hanu, naa ni do tenda uri u do tea u vha Muya Wawe une wa do zwi ita? Naa vhoinwi vharathu ni a zwi tenda izwo? Zwauri onoyo Murena Yesu muthihi o ima hafha? Vhoinwi vhathetshelesi ni tenda zwenezwo zwithihi? Naa ni do ralo kha muduba wa thabelo na tenda zwithihi, huno na divha uri havha vhanna . . . ? Naa ndi do vha vhidza afha ntha arali ndo elekanya uri a vho ngo . . . ? Nga murahu ha u rera ngaurali, nahone ndi tshi khou amba zwithu zwine nda vha nazwo, huno zwenezwo nda vhidza vhanna ngeno ntha vhe vha vha songo fanela? Ndi nga si ite hezwo. Ndi do vha ndi tshi khou kunda tshithu tshithihi tshe nda vha ndi tshi khou lwa natsho. Ni a vhona? Ndi tenda khavho. Ndi tenda uri ndi vhanna vha Mudzimu.

¹⁵² Zwino vhonani arali Muya Mukhethwa wo ima tsini. U tou amba na inwi fhedzi, ndi khou lingedza . . . Inwi ni ri, "Naa ni khou itani, Mukomana Branham?" Zwithu zwithihi zwe Yesu a ita na musadzi, o ri, "Nndisele tshinwiwa," O vha a tshi khou tou lingedza u amba nae lwa tshifhinganyana, a wanulusa uri vhuleme hawe ho vha hu mini.

¹⁵³ Thaidzo yanu ndi mazhuluzhulu, hezwo ndi zwine na khou tambula ngazwo. Arali izwo zwi zwone, imisani tshanda tshanu. Zwino, ene nga ngoho ha vhonali nga u ralo, naa u a ralo, vhakomana? Ha ralo, fhedzi izwo ndi zwine vhuleme hawe ha vha zwone. O vha nga iyo ndila tshifhinga tshilapfu. Tshifhinga tshothe hu tshi budaburoho dzanu ni sa athu swika khadzo, na zwiñwe-vho. Ndi ngoho. Ndi muhumbulo wanu, u itaho nga

uralo, u tshuwa; ni dzulela u humbula uri hu na tshithu tshi no khou ya u itea, a tshi bveleli. Tshiñwe tshifhinga diabolo u a ni vhudza, “A hu na tshithu Khazwo, no tou gunea, ni seli ha mutalo.” A thi khou vhala muhumbulo wanu, fhedzi ndi khou vhala zwine zwa vha . . . Ndi a divha zwe a amba na inwi nga hazwo, ngauri ndi vhona zwo buliwaho ḥhalukanyo yanu.

¹⁵⁴ Zwino, Yesu o vhona mihibumbulo yavho. Naa izwo ndi zwone? Zwo luga, izwo ndi zwa zwa bvelela zwa zwino. Naa izwo ndi zwone? Hafha, i ri ni ndi ni vhudze tshiñwe tshithu, uri ni kone u ḫivha. Zwa vhukuma no imela muñwe muthu-vho. Izwo ndi zwone. Itsho ndi tshone tshithu, ni a vhona, no vha ni si nga zwi pfesesi u swika tshifhingani itsho. Zwino, arali Murena a tshi do nzumbululela zwa na imela zwone fhano, u itela muñwe muthu-vho, naa ni do ntenda uri ndi muporofita Wawe? Ndi zwa mme anu. Ni a tenda uri Mudzimu a nga mmbudza uri vhuleme havho ndi mini? Zwo luga, u na thaidzo ya mbilu, mutsiko wa malofha, tshavhuṭungu, vhukondi. Izwo ndi zwone, a si zwone? Ni a vhona? Zwino, uyo ndi Muya Mukhethwa, naa a si wone?

¹⁵⁵ Zwino, hu na tshiñwe tshithu hafha kha nne na kha avha vhakomana. Ni a vhona? Tshiñwe tshithu hafha zwino, wone Muya Mukhethwa. Zwino, ni a tenda; inwi, musi ri tshi fhira kha muduba.

Kha ri kotamise zwifhaṭuwo zwashu roṭhe musi ri tshi rabelela avha vhathu.

¹⁵⁶ Zwino, Khotsi wa Ṭadulu, ri khou ya u vhea zwanda kha havha vhathu. Huno ndi khou vha rabelela zwino. Hafha ndi vhalanda vha vhuhosini vho imaho hafha, huno roṭhe ri khou ya u vheya zwanda kha vhalwadze, ngauri Wo amba uri zwi itwe. Ri khou yo zwi ita nga Dzina ḥa Yesu Kristo. Ngavhe vhathu vha sa sokou kokodza, fhedzi ngavhe vha tshi fhira nga u fhodzwa nga kha Dzina ḥa Yesu Kristo. Amen!

¹⁵⁷ Murena a ni fhaṭutshedze. Zwino tshimbilani nga vhuronwane.

Nga Dzina ḥa Murena Yesu, fhodza . . . Nga Dzina ḥa Murena Yesu, fhodza mukomana wanga. Nga Dzina ḥa Murena Yesu, fhodza khaladzi anga.

¹⁵⁸ Zwino, lwa—lwa muniti fhedzi! Ni a vhona! Mukomana na khaladzi, ndi ngani ni tshi khou takala musi uyo musadzi, musi vhuṭalukanyi vhu tshi itea, huno musi vhañwe vha tshi fhira a hu na tshe tsha itwa? Vhathu vha fhira, “Zwo luga, arali ndi songo ralo, ivhani na vhuṭalukanyi, zwo ralo, zwenezwo a tho ngo wana tshithu.” Izwo a zwi na mushumo nazwo, U fhano nga ndila i fanaho. Ni a vhona?

¹⁵⁹ Musi ni tshi fhira nga hafha, idani na zwanda zwanu zwi n̥tha, ni tshi ri, “Ndi a U livhuwa, Murena Yesu. Ndi a U ṭanganedza sa Mufhodzi wanga, huno ndi khou tou ḥuwa naļo. Muñwe wa avha vhanna u khou yo nndovhedza, ndi khou

ya ngomu dzivhani la mađi huno nda lovhedzwa, huno vha bvela nnđa nahone vha divha uri Wo fulufhedzisa uri ndi do ḥanganedza Muya Mukhethwa.”

¹⁶⁰ Ni a vhona, zwi... U ṭalukanya hu kha di vha hafha. Hu kha di vha hafha, u tou fana na... Hafha, ndi mini? Uyu munna hafha? Ndi mutsinda kha inwi. Naa nne, muñe wanga? A thi ni divhi. Naa... arali Mudzimu a tshi do mmbudza uri vhuleme hanu ndi mini, naa ni do ntenda uri ndi muporofita Wawe, mulanda Wawe? Ni do ralo nga mbilu yanu yothe? Zwo luga, muñe wanga. Ndi a livhuwa, muñe wanga. Hoyo ndi muya wavhudzi zwavhukuma, tshithu tshavhudzi nga maanda. Itali, no imela muñe muthu-vho. Ndi zwone. “Ndi muđuhulu wañu, u na pholio, we a wa liñwe duvha huno a vunda mulenzhe wawe,” ilo ndi U RALO MURENA! Naa izwo ndi zwone? Izwo ndi zwone! Iyani huno ni tende zwino, huno u do vha na mutakalo.

¹⁶¹ Zwino, iđani ni tshi tenda, muñe na muñe fhedzi, itonu da. [Muduba wa thabelo wo fhedza miniti miraru na mithethe ya furarumalo, vhunzhi ha maipfi a Mukomana Branham a a kwamea—Mudz.]...?...

Mashudu tshivhofhekanyi tshi vhofhekanyaho
Mbilu dzashu nga lufuno lwa Tshikriste;
Vhuledzani ha muhumbulo muthihi
Vhu nga uvho ha Ntha.

Hafha phanda ha Khulunoni ya Khotsi ashu,
Ri tevhulela thabelo dzashu dzi nukhelelaho;
Nyofho dzashu, fhulufhelo ḥashu, zwipikwa
zwashu ndi zwithihi,
Khuthadzo yashu na ndondolo yashu.

¹⁶² Ro ima nga hafha, vhana vhatuku vha Mudzimu, vho holefhalaho, vho pofula, vho shandukiswa. Vhashumeli vha Mafhungo-mađifha, ni a divha uri a ri na maanda a u fhodza. Fhedzi Murena washu Yesu Kristo u khou rumela izwi zwiga, huno a haṭula diabolo we a ni vhofha. Ri haṭula diabolo...?...
Ri haṭula vhupofu...?...

¹⁶³ Nga Dzina la Yesu Kristo ene Murwa wa Mudzimu, ri humbela uri Mudzimu u do vha nea lutendo lwa u tenda zwauri thabelo ya lutendo yo tshidza vħalwadze, huno Mudzimu u do vha vusa, huno vha do fhola hafhu. Zwi tendele, Mudzimu Ramaandaothe, nga kha Dzina la Yesu Kristo.

¹⁶⁴ Zwino, vhoinwi vharathu ṭutshelani kule na heneffo...?...

¹⁶⁵ Vhoinwi vhañwe nothe ni vhe thabeloni zwino, musi ri tshi... vhashumeli vha khou vha rabelela, na vhone-vho, zwino. Ri a rabela, vhea zwanda.

¹⁶⁶ Khotsi wa ḥadulu...

Kha vhoiñwi ngeyo nn̄da kha vhathetshelesi vhe na sa dzhene mudubani wa thabelo, vheanani zwāndā zwino. Vheanani zwāndā zwa vhoiñwi.

¹⁶⁷ Khotsi ashu wa Tađulu, ri khou U disela avha vhathetshelesi musi ri tshi vala iyi tshumelo na ili fulo phasi ha u vhulungwa ha Yesu Kristo, Tshifhe Muhulu wa Mudzimu o doliswaho, Emmanuele, o ima, a vuswa vhafuni, o tshilela u itela thabelo; Vhuhone Hawe vhuhulwane zwino na riñe, Maanda makhethwa Awe kha riñe u ri ita uri ri vhone mabono, u porofita, u vhea zwāndā kha vhalwadze. Ipfi la Mudzimu li sa kundelwi na khathihi li nga si humele Khae fhedzi. Ndi hañula diabolo muñwe na muñwe wa malwadze, maanda mañwe na mañwe a tshivhi, u sa tenda huñwe na huñwe, nga Dzina la Yesu Kristo, ngavhe u tshi balanganya vhatthu huno ngavhe vha tshi fhodzwa.

¹⁶⁸ Fhañutshedza avha vhakomana vha vhashumeli, Murena, musi vho kuvhangana vhothe mbiluni nthihi na mbilu i nthihi, na mirado yothe ya tshivhidzo. O Mudzimu Ramaandaothe, kha iyi Middletown khulwane, Ohio, rumela mvuseledzo nga murahu ha izwi, Murena, i no ño swiela u bva thungo u ya thungo, u ña fhethu huthihi ha marambo, Murena, na madalo a lukanda. Huno ngavhe maanda a Mudzimu a tshi vusa tshivhidzo tsho ḥangananaho nga maanda hafha mudini uyu u no ño swiela, tshivhidzo tshi re tsumbo, hoñhe kha lushaka lwoñhe, uri vhatthu vha kone u dzhena ngomu mudini uyu u vhonmaanda a Mudzimu. Zwi tendele, Murena. Fhodza vhalwadze na vha ḥupheaho, tshidza vho xelaho, huno u wane vhugala kha Iwe muñe.

¹⁶⁹ Zwi tendele, uri izwi zwisagaduku zweñthe na phaselathukhu dzi re hafha... Ndi a rabela, Murena, urí Muya Mukhethwa u kha riñe, na ngomu tshifhañoni itshi u tshi ri dolisa, ngavhe muñwe na muñwe wavho a tshi vha na mutakalo. Zwe ñwaliwa kha Bivhili uri musi Isiraele i ndilani ya mushumo, ndilani yavho ya u ya shangoni lo fulufhedziswaho, uri Lwanzhe Lutswuku lwo ima ndilani. Huno muñwe wa vhañwali a ri, “Mudzimu o sedza phasi nga iyo Khavhu ya Mulilo huno Lwanzhe Lutswuku lwa dženwa nga nyofho nahone lwa humela murahu, huno Isiraele a ya kha shango la pfulufhedziso le la fulufhedziswa.”

¹⁷⁰ Huno zwino, zwi kha Bivhili, zwe ñwaliwa, “Ndi ño ralo u fhira zwithu zweñthe zwine na vha na mutakalo.” Huno musi idzi sagaduku dzi tshi swika kha vhatthu, he Sañhane a vhea Lwanzhe Lutswuku phāndā havho, ngavhe Mudzimu a tshi sedza phasi nga kha Malofha a Murwa Wawe, Yesu Kristo, huno a hañula vhulwadze vhuñwe na vhuñwe kha avho vhe vha kundelwa u swika phano; huno ngavhe vhulwadze vhu tshi ṭuwa nahone ha ofha Ipfi la Mudzimu na pfulufhedziso ya Mudzimu na njodzo ya Mudzimu, huno ngavhe vhatthu vha tshi fhira kha pfulufhedziso ya vhuñdi ya mutakalo wa vhuñdi na nungo. Zwi tendele, Murena.

Huno ri kumedza zwoṭhe kha Iwe, nga Dzina ṥa Murwa Wau a funaho, Mutshidzi washu Yesu Kristo. Amen.

¹⁷¹ Vhataleli, kha Ene a divhaho zwoṭhe, kha Ene we a ri vusa uri ri vhe uri ri vhe vhufa Hawe kha ṭifhasi, kha tshivhodzo Tshawe, ngavhe phaṭutshedzo dza Mudzimu dzo pfumaho dzi tshi vha kha vhoiñwi noṭhe u swika ri tshi ṭangana hafhu. Tshumelo yashu i tevhelaho, nga u divha, i do vha thaberenakeleñi, nga matsheloni a Swondaha, nga matsheloni a Swondaha. Zwenezwo ndi khou yo...nga hangei kha Illinois u bva heneffho. Fhaṭutshedzeani, londani zwivhidzo zwañu, londani izwi zwivhidzo zwavhudi, vhofhekanyani mbilu dzañu. Dzulanu kha Ipfi ṥa Mudzimu! Tshilelani Ene, ngauri zwithu zwi ofhisaho zwo dzula phanda hanu, elelwani izwo!

¹⁷² U swika ri tshi ṭangana, kha ri ime huno ri imbe:

Ndi a Mu funa, ndi a Mu funa
Ngauri O funa nne u thoma
Huno o renga tshidzo yanga
Murini wa Khalivari.

¹⁷³ Zwino, nga khuliso, khađanani na muñwe murahu hanu, phanda hanu, na kha sia lañu.

Ndi a Mu funa . . .

Roṭhe zwino.

. . . Ndi a Mu funa
Ngauri O funa nne u thoma
Huno o renga tshidzo yanga
Murini wa Khalivari.

¹⁷⁴ Zwino zwanda zwañu zwi n̄ha kha Mudzimu, nga phosho vhukuma zwino, muñwe na muñwe a tshi ita uri tshi lile.

Ndi a Mu funa, ndi a Mu funa
Ngauri O funa nne u thoma
Huno o renga tshidzo yanga
Murini wa Khalivari.

¹⁷⁵ Kha ri kotamise zwifhaṭuwo zwashu zwino.

U swika ri tshi ṭangana! u swika ri tshi
ṭangana!

U swika ri tshi ṭangana milenzheni ya Yesu;

Elelwani, vhunzhi hashu a ri nga ṭangani hafhu u swika zwenezwo.

U swika ri tshi ṭangana! u swika ri tshi
ṭangana!

Mudzimu a vhe na inwi u swika ri tshi ṭangana
hafhu!

¹⁷⁶ Zwino luñuñuneni. Mufunzi wañu. Mukomana Sullivan, u swika ri tshi ṭangana, mukomana wanga.



VHURERELI HA ISABELE TSV61-0319
(Jezebel Religion)

Hoyu Mulaedza nga Mukomana William Marrion Branham, u rangani wo ḥnewa nga Tshiisimane nga masiari a Swondaha, Thafamuwe 19, 1961, ngei National Guard Armory ngei Middletown, Ohio, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org